

四庫全書

子部

欽定四庫全書

玉海卷七十三

宋 王應麟 撰

禮儀

燕饗 鄉飲附

君臣之分以嚴為主朝廷之禮以敬為主然一於嚴敬則情或不通無以盡忠告之益故制為燕饗之禮以通上下之情於朝曰君臣焉於燕曰賓主焉先王

以禮使臣之厚於此見矣

夏鈞臺享

左傳昭四年六月丙午椒舉曰夏啟有鈞臺之享注在

河南陽翟縣南

世紀云
在縣西

啟享諸侯於此

周宴禮

穀烝

饗禮

食禮

國語晉隨會聘于周定王饗之穀烝范子私於原公曰
此何禮也王召士季曰子弗聞乎禘郊之事則有全烝
王公立飫則有房烝

即享
禮也

親戚宴饗則有穀烝今叔父

使士季實來惟是先王之宴禮欲以貽女余一人敢設

飫禘焉且惟戎翟則有體薦坐諸門外而使舌人體委

與之

象胥之官也

今王室之一二兄弟以時相見將飶協典

禮以示民訓則無亦選其馨香擇其柔嘉潔其酒醴品

其百籩修其籩簋奉其犧象出其尊彝陳其鼎俎靜其

巾罍敬其祓除體解節折而共飲食之於是有折俎加

豆酬幣宴貨以示容合好歲飫不倦時宴不淫月會旬

脩日全不忘古之善禮者將焉用全烝

詩常棣注飫私也 不脫屣升堂

謂之飮箋云王者圖非常之事若議
大疑於堂則有飮禮焉聽朝為公

左傳宣十六年

冬士會問殺烝王曰王享有體薦宴有折俎公當享卿
當宴王室之禮也疏禮升殺於俎皆謂之烝烝升也切
肉為殺升俎謂之殺烝公侯來朝王為設享則有體薦
薦其半體亦謂之房烝 禮掌客王合諸侯而饗禮則
具十有二牢庶具百物備諸侯長十有再獻凡諸侯之
禮上公五積侯伯四積子男三積 大行人掌大賓之
禮上公饗禮九獻食禮九舉出入五積三問三勞諸侯

饗禮七獻食禮七舉出入四積再問再勞諸伯如侯禮

諸子饗禮五獻食禮五舉出入三積壹問壹勞諸男如子

禮

注饗設盛禮以飲賓也

大國之孤執皮帛以繼小國之君出入

三積不問壹勞

司儀王燕則諸侯毛

朝事尊尊上爵燕則親親上齒

大宗伯以饗燕之禮親四方之賓客

樂師饗食諸

侯序其樂事

鍾師饗食奏燕樂

外饗邦饗者老孤

子則掌割亨饗士庶子亦如之

酒正共其酒無酌數

詩鹿鳴燕羣臣嘉賓注飲之而有酬幣食之而有侑

幣 常棣燕兄弟 伐木燕朋友 故舊陳饋八簋

箋謂食禮

湛露天子燕諸侯 傳宗子將有事則族人皆侍不醉而出是不親也 醉而不出是濫宗也 箋云天子燕諸侯之禮亡 儀禮燕禮工歌鹿鳴四牡皇皇者華笙八奏南陔白華華黍乃間歌魚麗笙由庚歌南有嘉魚笙崇丘歌南山有臺笙由儀遂歌鄉樂周南關雎葛覃卷耳召南鵲巢采芣采蘋大師告于樂正曰正歌備奏陔遂出以樂納賓則賓及庭奏肆夏公拜受爵而奏肆夏升

歌鹿鳴下管新宮笙入三成遂合鄉樂若舞則勺有房

中之樂 魯語叔孫穆子曰夫先樂金奏肆夏繁遏渠

天子所以饗元侯也 歌文王大明絲則兩君相見之樂

也

餘見養老類

晉語公子如楚楚成王以周禮享之九獻

庭實旅百 左傳莊十八年春虢公晉侯朝王王饗醴

命之宥

注王之親羣后始則行饗禮先置醴酒示不忘古飲宴則命以幣物助歡敬之意

皆賜

玉五鼓馬三匹非禮也 王命諸侯名位不同禮亦異數

僖十二年王以上卿之禮饗管仲受下卿之禮二十

五年晉侯朝王享醴命之宥二十八年獻楚俘王享醴

命晉侯宥

加之帶帛以助勸也

文四年甯武子曰諸侯朝正於

王王宴樂之賦湛露

成十二年晉郤至曰諸侯相朝

有享宴之禮享以訓共儉宴以示慈惠注享有醴薦設

几而不倚爵盈而不飲肴乾而不食宴則折俎相與共

食 襄三年晉與魏絳禮食

詩既醉序箋成王祭宗

廟旅酬下徧羣臣至於無筭爵故云醉焉乃見十倫之

義志意充滿是謂之飽德

賓之初筵疏禮有獻酢與

旅酬及無筭爵旅與無筭不止三爵而已故知三爵是

獻也酢也酬也 記禮器周旅酬六尸曾子曰周禮其

猶醪與

旅酬相酌王居明堂之禮仲秋乃命國醪

中庸旅酬下為上所以逮

賤也燕毛所以序齒也

既祭而燕

說苑齊景公登酌晏子

修食禮以待

周鄉飲酒禮 黨正飲酒禮

鄉大夫三年則大比考其德行道藝而興賢者能者鄉老及鄉大夫以禮禮賓之注以鄉飲酒之禮禮而賓之

疏飲酒賓舉之法是也

儀禮目錄云諸侯之鄉大夫三年將獻賢者于君以禮賓之與

之飲酒

黨正以禮屬民而飲酒於序以正齒位壹命齒

于鄉里再命齒于父族三命而不齒注正齒位者鄉飲

酒義所謂六十者坐五十者立侍六十者三豆七十四

豆八十五豆九十六豆是也建亥之月農隙教之尊長

養老見孝弟之道黨正飲酒禮云凡其黨之飲酒教其

禮事疏州長春秋行射黨正十有二月行飲酒州長

春秋以禮會民射于州序儀禮鄉飲酒禮主人就先

生而謀賓介注主人謂諸侯之鄉大夫也先生鄉中致仕者賓介處士賢者諸侯之鄉大夫貢士於其君古者致仕大夫名曰父師士名曰少師常知鄉人之賢者是以大夫就而謀之賢者為賓其次為介又其次為衆賓而與之飲酒今郡國十月行此飲酒禮以黨正之說然此篇無正齒位之事凡鄉黨飲酒必於民聚之時欲其見化知尚賢尊長也疏鄉大夫雖行飲酒禮賓之于君其君簡訖仍更行飲酒禮賓之於王周十二月即夏之十

月漢時十月飲酒禮取黨正之文

鄉大夫飲酒是尚德也黨正飲酒是尚齒

也

衆賓之席皆不屬焉注皆獨坐明其德各特疏鄉

射衆賓之席繼而西欲習衆庶未有殊別此乃特貢於

君故衆賓之席皆不屬焉士以上來觀禮乃有齒法

王制習鄉上齒注鄉謂飲酒也鄉禮春秋射國蜡而飲

酒養老鄉飲酒義鄉飲酒之義主人拜迎賓于庠門

之外入三揖而后至階三讓而后升所以致尊讓盥洗

揚觶所以致絜拜至拜洗拜受拜送拜既所以致敬賓

主象天地介僕象陰陽三賓象三光讓之三象月之三
日而成魄四面之坐象四時主人尊賓坐賓於西北坐
介於西南以輔賓賓者接人以義坐於西北主人接人
以德厚坐於東南而坐僕於東北以輔主人鄉飲酒之
禮六十者坐五十者立侍以明尊長六十三豆七十四
豆八十五豆九十六豆所以明養老也合諸鄉射教之
鄉飲酒之禮而孝弟之行立矣注鄉飲酒謂黨正之禮
鄉射則州長之禮也謂之鄉者州黨鄉之屬也或則鄉

之所居州黨鄉大夫親為主人馬疏案鄭目錄云記鄉大夫飲賓于庠序之禮尊賢養老之義一則三年賓賢能二則鄉大夫飲國中賢者三則州長習射飲酒四則黨正蜡祭飲酒總而言之皆謂之鄉飲酒此篇兼有四事鄉則三年一飲鄉大夫為主人州則一年再飲春秋習射從而飲之黨則一年一飲歲十二月因大蜡於學飲酒子貢觀蜡是也射儀孔子射於矍相之圃注先行飲酒禮疏欲射之前先行鄉飲酒之禮獻賓及介獻

衆賓之後未旅之前作相為司正至於將射轉司正為司馬以鄉飲酒禮差之射禮畢旅酬之時乃使二人舉觶鄉射禮注不謀賓者時不獻賢能事輕也今郡國行此禮以季春無介注雖先飲酒主於射也其序賓之禮畧疏射於序鄉飲酒在庠以其序無室庠有室 秋官疏萍氏幾酒不得非時時謂若酒誥惟祀茲酒及鄉飲酒 月令孟冬大飲蒸注天子諸侯與其羣臣飲酒於大學疏幽風序諸侯之事云躋彼公堂毛傳云公堂學

校也黨正以禮屬民飲酒于序故云此飲酒于大學也
大飲饗禮當用房蒸半體之俎若黨正飲酒雖饗而用
穀蒸

漢置酒雒陽南宮

高祖紀五年夏六月帝置酒雒陽南宮上曰通侯諸將
毋敢隱朕吾所以有天下者何高起王陵對曰云云上曰
三者皆人傑吾能用之所以取天下也羣臣說服

十二年還

過沛留置
酒沛宮

漢宴饗百官

通典武帝雖用夏正然每月朔朝至於十月朔猶常享會其儀夜漏未盡七刻鐘鳴受賀及贄公侯璧二千石羔千石六百石鴈四百石以下雉百官賀正月二千石以上上殿稱萬歲舉觴御坐前司空奉羹大司農奉飯奏食舉樂百官受賜宴饗大作樂

詳見元會

揚僕傅士卒暴

露連歲為朝會不置酒

漢曲臺饗衛士

詳見衛士

置酒建章宮

見內附

王尊傳正月行幸曲臺臨饗罷衛士 周官外饗饗士
庶子注士庶子衛王宮者若今時饗衛士

漢辟雍燕禮 博士飲酒禮

儀禮燕禮燕朝服於寢注燕於路寢相親昵也今辟雍
十月行此燕禮玄冠而衣皮弁服與禮異 成紀鴻嘉
二年三月博士行飲酒禮有雉飛集于庭 王式傳江
公謂歌吹諸生曰歌驪駒注如淳曰學官自有此法酒
坐歌吹以相樂也 後紀和帝永元十四年三月戊辰

臨辟雍饗射陽嘉元年三月庚寅同

漢未央宮置酒

昭紀元鳳二年夏四月上自建章宮徙未央宮大置酒
賜郎從官帛及宗室子錢人二十萬吏民獻牛酒者賜帛
人一匹

漢大酺

紀文帝初即位賜民爵一級女子百戶牛酒酺五日

注文

顏曰漢律三人以上無故羣飲罰金四兩今詔酺賜得
令會聚飲食五日也顏師古曰酺布也王德布於天下

而合聚飲
食為醑

十六年九月令天下大醑景後元年夏大醑

五日武元光二年九月令民大醑五日元朔三年

秋同元昺元年夏五月大醑五日太初二年三月

祠后土令天下大醑五日太始三年二月令天下

大醑五日昭元鳳四年正月丁亥帝加元服令天

下醑五日宣五鳳三年三月大醑五日 周禮族

師祭醑注因祭醑與其民以長幼相獻酬 記周

旅酬曾子曰周禮其猶醑與注王居明堂之禮仲秋

乃命國醪

趙武靈王滅中山酺五日

許其羣飲也羣飲之禁遠自周

公秦漢因之

漢大饗將士

紀建武十三年四月大司馬吳漢自蜀還京師大饗將

士班勞策勲

光武勞饗諸將馬武斟酌於前

六年二月山東平諸將

還京師置酒賞賜

二十五年春四夷朝賀帝命大會勞饗賜以珍寶

光武

建武十七年十月幸章陵祠舊宅置酒作樂十九

年九月幸南頓置酒會賜吏人 明帝永平二年十月

有事十一陵會郡縣吏勞賜作樂三年十月幸章陵觀
舊廬置酒十年閏四月幸南頓勞饗三老官屬 章帝
建初七年九月幸鄴勞饗守令已下十月幸長安會郡
縣吏人勞賜作樂元和二年二月辛未柴告岱宗觀東
后饗賜王侯羣臣 和帝永元十五年十月戊申幸章
陵癸丑會宗室於舊廬勞賜作樂 安帝延光三年二
月辛卯柴岱宗癸巳勞賜十月丁亥會三輔守令掾史
於長安作樂 順帝永和二年十月丙午幸未央宮會

守尉官屬勞賜 桓帝延熹元年五月己酉大
會公卿以下賞賜有差 馬融廣成頌羣師疊
伍伯校千重山疊常滿房俎無空酒正案隊膳
夫循行清醪車湊燔炙騎將鼓駭舉爵鍾鳴既
觴

漢鄉飲酒

志明帝永平二年三月上始帥羣臣躬養三老五更
于辟雍郡縣通行鄉飲酒禮于學校皆祀聖師周公孔

子牲以犬注石渠禮論鄉射合樂而大射否何也韋玄
成曰鄉人本無樂故歲時合樂以同其意諸侯故自有
樂故不復合鄭氏云今郡國十月行飲酒禮應劭曰漢
家饗射祭祀皆假士禮而行之樂縣笙磬邊俎皆如士
制 邳惲傳汝南太守歐陽歛十月享會百里內縣皆
齋牛酒到府讌飲時臨享禮訖惲為功曹於下坐前曰
司正舉觥 伏湛傳湛雖在倉卒造次必於文德以為
禮樂政化之首是歲奏行鄉飲酒禮時建武五年也

李忠傳守丹陽

建武六年

春秋鄉飲選用明經以變越俗

史記儒林傳序漢興諸儒始得修其經藝講習大射鄉飲之禮 月令孟冬大飲烝鄭氏注飲酒太學其禮亡今天子以燕禮郡國以鄉飲酒禮代之 儀禮注今郡國十月行飲酒禮 鄉飲酒義注如今郡國下令長於鄉射飲酒從太守相臨之禮也

魏大饗六軍

魏志文帝為魏王延康元年六月南征七月甲午軍次

于譙大饗六軍及譙父老百姓于邑東復租稅二年三
老吏民上壽明帝青龍二年八月幸壽春己未大耀兵
饗六軍 大饗碑云旨酒波流肴蒸陵積雖夏啓鈞
臺之享周成岐陽之搜高祖邑中之會光武舊里之宴
何以尚茲

晉辟雍鄉飲禮

紀泰始六年十一月幸辟雍行鄉飲酒之禮賜太常博
士學生帛牛酒各有差 志武帝泰始六年十二月帝

臨辟雍行鄉飲禮詔曰禮儀之廢久矣乃今復講賜太常絹百疋丞博士學生酒咸寧三年惠帝元康九年復行其禮 文選注東晉補亡詩序曰晉與同業疇人肆修鄉飲之禮 傅玄辟雍鄉飲酒賦俎豆有數威儀翼翼賓主百拜貴賤修敕嘒嘒笙磬喤喤鍾鼓琴瑟安歌德音有叙

唐含章殿宴羣臣

高祖武德三年四月壬戌秦王平并州悉復故地帝大

悅置酒含章殿宴羣臣極歡遣入御府賜繒絲五月辛
卯秦王凱旋獻捷太廟帝置酒高會六年丁酉宴東征
官寮奏九部樂帝親舉酒屬百官己酉大會東征將士
奏九部樂

唐玄武門宴羣臣

見御詩及門闕類

唐丹霄樓宴

見樓類

唐鄉飲酒禮

紀貞觀六年七月己巳詔天下行鄉飲酒 禮樂志州
貢明經秀才進士孝弟旌表者行鄉飲酒之禮皆刺史
為主人先召鄉致事有德者謀之賢者為賓次為介次
為衆賓與之行禮季冬之月正齒位則縣令為主人鄉
之老人年六十以上有德望者一人為賓次為介為三
賓為衆賓大氏如鄉飲酒禮 會要貞觀六年詔錄鄉
飲酒一卷攷天下每年令州縣長官親率長幼齒序有

別遞相勸勉唐隆元年七月十九日令諸州每年行鄉
飲禮開元六年八月頒鄉飲酒禮令牧宰每歲十二月
行之十八年宣州刺史裴耀卿上疏言臣在州與百姓
行禮奏樂歌至白華華黍由庚南陔等章言孝子養親
及羣物遂性之義或有泣者二十五年二月詔貢人中

送行鄉飲禮牲用少牢鄉飲樂章十七

鹿鳴三南陔一
嘉魚四崇丘一

闕非五鵲
巢三奏

百官志縣令每歲季冬行鄉飲酒禮 選

舉志鄉貢試已長吏以鄉飲酒禮會屬僚設賓主陳俎

豆備管絃牲用少牢歌鹿鳴之詩因與耆父序長少焉
韓琬傳舉茂才刺史行鄉飲餞之主人揚解曰孝于
家忠于國今始充賦請行無筭爵儒林榮之 李栖筠
傳為常州刺史大起學校堂上畫孝友傳示諸生為鄉
飲禮登歌降飲人人知勸

唐五鳳樓酺宴 立皇太子賜酺

通鑑開元二十三年正月乙亥耕籍田都城酺三日上
御五鳳樓酺宴

元秀

舊紀二十六年六月庚子立忠王

璵為皇太子七月己巳大赦賜民酺三日二十七年二月
己巳上尊號賜酺五日 張守珪傳即酺宴為飲至

張九齡和聖製南郊禮畢酺宴詩妙舞來平樂新聲
出建章幸奏承雲樂同晞湛露陽 先天二年八月戊
午玄宗詔酺宴山車旱船綵樓閣寶車並禁斷

唐集仙殿麗正院賜宴

見院類

唐曲江宴

賦詩

會要

兼舊紀

貞元四年九月重陽節賜宰臣百寮宴於曲

江亭帝賦詩錫之簡文士應制上自考其詩以劉太真
李紆等四人為上鮑防于邵等四人為次張濛殷亮等
二十三人為下李晟馬燧李泌三宰相詩不加考第六
年二月戊辰朔百官以中和節宴曲江亭上賦詩以錫
之三月庚子又宴九年二月庚戌朔初以中和節賜宴
錢給百僚十一年上巳賜宴曲江十四年上巳賜宴時
徐州節度使張建封來朝上特令與宰相同榻而食元

和二年上巳賜宴曲江亭

唐麟德殿宴百寮 宴勲臣

會要

又舊紀

貞元十二年二月己卯以寒食御麟德殿之

東亭內宴於宰臣位後施畫屏風圖漢名臣仍紀其嘉

言善行題于下

宰臣各賜錦絳百銀瓶盤一具

十四年二月戊午上御

麟德殿宴文武百寮

於東廂

初奏破陣樂舞徧奏九部樂

先是上製中和樂舞曲至是日奏之上賦中春麟德殿

會百寮觀新樂詩八韻令皇太子書

詩云紫殿初筵列彤庭廣樂張成功

歸輔弼致
政賴忠良

實錄興元元年七月壬午至京師帝既還

宮每間日宴勲臣于麟德殿必親閱酒饌盛陳音樂其所盼賜李晟首之渾瑊次之諸宰臣及節將又次之貞元四年二月戊戌麟德殿觀宰臣晟燧及諸將會鞠三月甲寅宴百僚于麟德殿設九部樂內出舞馬帝製序及詩賜羣臣十三年二月丁巳朔賜宰臣及兩省供奉官宴曲江又寒食宴宰相於麟德殿

唐麟德殿宴羣臣

舊紀元和十三年二月乙亥御麟德殿宴羣臣大合樂
凡三日頒賜有差十四年三月丁酉上以齊魯初平宴
羣臣於麟德殿賜物有差

唐興慶宮大宴

實錄元和十五年六月癸巳皇太后歸興慶宮穆宗率
六官侍行遂合樂大宴

唐觀德殿飲至

見兵捷 韓文公平淮西碑大饗齊功 柳子厚饗軍

堂記曰幢牙茸燾金節析羽旆旗旛旒咸飾于下鼓以
鼗晉金以鐸鏡弁裳罰衣睢盱就列釧鼎體節燔魚敲
炙羽鱗狸互之物沈泛醞盎之齊均飫于卒士興王之
舞服夷之伎揆擊吹鼓之音飛騰幻怪之容寰觀于遠
邇 李子卿飲至賦云醉百壺獻萬壽 飲至數實于
旒無虧

建隆廣德殿宴朝貢使

元年八月庚午宴近臣於廣德殿江南吳越朝貢使皆

預

建隆曲宴

元年九月辛丑宴近臣於萬春殿後九日又宴於廣德殿皆曲宴也凡曲宴無常惟上所命

乾德宴紫雲樓

四年八月九日辛丑

見樓類

太平興國進士賜宴

二年正月戊辰御講武殿試進士賜呂蒙正以下及第

始分甲次庚午試諸科賜綠袍鞞笏錫宴開寶寺為詩一章

賜之 唐時禮部放榜後醲飲曲江號聞喜宴五代多

於佛舍名園周顯德中官為主之上命中使典領供帳

甚盛三年九月甲申朔試進士加論一首自是以三題

為準賜胡旦以下及第又賜綠袍鞞笏自此為定制乙

酉賜諸科及第始賜宴於迎春苑八年三月丙子賜三

世則等及第四月辛卯朔始就瓊林苑賜宴舍法行改

賜于辟雍宣和復舊中興士子申免賜紹興十七年十

一月禮部侍郎周執羔請舉行舊制賜聞喜宴于禮部
貢院十八年六月三日就宴賜御書儒行篇

雍熙丹鳳樓觀酺

元年十二月乙酉詔賜大酺三日

酺飲起自秦秦法三人已上會飲則罰金

故因事賜酺吏民會飲過則禁之魏晉以後無聞馬唐景雲開元天寶間嘗舉行之至是郊裡大慶故有是詔

二十一日丙申御丹鳳樓觀酺召侍臣賜飲自樓前至

朱雀門張樂召耆老列坐樓下賜酒食二十二日

丁酉賜

羣臣宴于尚書省作詩二首以賜羣臣獻歌詩賦頌者

數千人並付史館

淳化鄉飲酒儀

淳化三年正月七日詔有司講求鄉飲酒故事命學士

承旨蘇易簡等撰樂章三十四鹿鳴六南陔二嘉魚八

崇丘二闕雉十鵲巢六五月五日禮院詳定其儀

後不果行

政和三年正月詔州郡鹿鳴宴改為鄉飲酒五年五月

二十六日定貢士射儀紹興十三年四月六日禮部言

比部郎林保奏修定鄉飲酒矩範儀制請徧下郡國今

取明州已行儀制與林保所具規式參酌修具鏤板攷
行奏可其禮有主賓僕介三賓有肅賓序賓祭酒主獻
賓酬主人酬介介酬衆賓修爵無筭沃洗揚觶拜送拜
既及約束九事十七年正月二十七日國子監請令郡
縣於科舉之年行於庠序二十六年四月二十七日詔
行於里社者聽之書目鄉飲禮三卷圖三卷紹興中鄭樵撰
周禮州長春秋會民則一歲再飲黨正大蜡正齒位則
一歲一飲鄉大夫賓賢能則三歲一飲唐貞觀初攷其

書於天下欲每歲行之其後亦止行於貢士之歲

景德五鳳樓觀酺

景德四年二月己巳次西京七日甲戌賜西京酺三日

十七日甲申御五鳳樓觀酺

乙酉又御樓凡三日

近臣預坐樓前

設露臺奏教坊樂端門內為山車二每車前後設樂凡

四部旱船四每船設樂一部凡六部樂作東西迭進召

洛陽父老五百人坐樓下賜飲 祥符四年三月十六

日己丑御五鳳樓觀賜酺十八日復御樓觀酺庚寅作

西京大酺七言詩二首

祥符乾元樓觀酺

元年正月庚寅有司上都亭驛酺宴位圖二月壬辰朔
御乾元門觀酺召從臣與坐二年三月十六日辛未御
乾元樓觀酺壬申上作觀酺五言詩賜百官四月癸巳
晏殊獻大酺賦召試學士院命為集賢校理四年九月
二十三日癸巳御乾元樓觀酺大合樂二十五日乙未復
賜酺宴百官于錫慶院宗室于相王宮帝作大酺五言

詩賜羣臣和丙申又作五言詩賜相王元偓以下
和六年二月六日戊辰御乾元樓觀酺巳巳宴
百官于錫慶院帝作大酺七言詩羣臣皆和七年
十一月十日壬辰御乾元門觀酺者五日是日近
臣咸與宴京畿父老于樓下賜繇袍茶絹日有五
色暈慶雲見癸巳帝作七言詩羣臣咸和 祥符
元年二月丙申直史館陳越上大酺頌集賢校理
張象中祕閣校理劉子儀評事宋綬並上大酺詩賦詔

付史館 劉子儀大酺賦二月初吉春日載陽皇帝乃
乘步輦出披香排飛闥歷未央御南端之峽闕臨迥望
之廣場百戲備萬樂張仙車九九而並驚樓船兩兩而
相當昭其瑞也則銀甕丹甌象其武也則青翰脰腥聲
砰礚兮非雷而震勢馮陵兮弗葦而航舞以七盤之妍
袖間以九部之清商彈箏擗籥吹竽鼓簧有殺如阜有
酒如川既醉既飽無黨無偏

祥符奉元均慶樓觀酺

七年正月二十日巳酉朝謁太清宮畢亳州應天府各賜

酺三日賜亳州樓名曰奉元均慶應天府曰重熙頒慶

二十三日庚戌御奉元均慶樓觀酺從臣與坐宴父老於

樓下設山車百戲聽民縱觀二十四日辛亥復御樓賜

宴帝作大酺五言勸酒七言賜王旦等二十六日復觀

酺二十九日丙辰御重熙頒慶樓觀酺上作應天府駐

驛五七言詩四首示近臣

天禧正陽門觀酺

元年二月三日壬申御正陽門即乾元門也觀酺大合樂癸

酉宴百官于錫慶院帝作景靈宮慶成賜酺七言詩賜
之二年九月二十二日庚辰御正陽門樓觀酺翌日宴
百官宗室帝作大酺七言十韻詩勸酒四韻詩分賜之
壬午上御樓觀酺宴是日慶雲見于樓上日生赤黃珥
四年十月五日壬午正陽門觀酺凡五日翌日癸未宴
百官宗室帝作七言詩賜之五年三月六日辛巳御正
陽門觀酺皇太子近臣並與壬午復御樓凡四日

天禧資善堂宴

見御詩類

元豐集英殿宴羣臣

七年三月丁巳大燕羣臣于集英殿皇子延安郡王

九年

歲立侍于御座之側左僕射王珪率百官廷賀及升殿

上命珪與王相見久之王乃退王未出閣上特令侍宴

以見羣臣 熙寧二年八月四日以兩朝實錄成宴近

臣于垂拱殿

修撰檢討官預

元豐五年七月二十八日兩朝國

史成宴垂拱殿

淳熙賜燕澄碧

淳熙二年五月辛卯賜輔臣燕于澄碧

在苑中

上曰朕嘗

觀無逸篇真後世龜鑑又語及君臣相遇之難又汎論用人不可分別黨與須當盡公又曰朕常日所行乃執其兩端用其中於民上曰今日所謂坐而論道豈不勝絲竹管絃葉衡等各起謝 夏啓鈞臺之會周武在鎬之飲易著需雲之象書紀橐飮之篇 周歌宴鎬漢樂

橫汾 堯樽禹膳 五嶽為豆四溟為杯 肴駟連鑣
酒駕方軒千鍾雷醕萬燧星繁 湯鼎舜壺 天開黼
幄日麗繒峰 冠蓋雲集樽俎星陳 需雲上覆湛露
下滋 置酒乎顛天之臺張樂乎膠葛之寓撞千石之
鍾立萬石之虞 族居遞奏金鼓迭起鏗鎗闔鞞洞心
駭耳 陰陽為庖造化為宰飡元氣酌太和雲油雨需
恩鴻浴而澤汪濊 葆僧陳階金匏在席戚奏翹舞翬
動邠詩 上應萬壽下禔百福 五筵之堂九几之室

大小定位左右有秩禽牢餼饋交錯文質饗有嘉樂宴
有庭實登降好賜犧象畢出犒勞贈賄率禮無失 翠

鳳栖梧丹魚在藻 為俎孔碩或燔或炙為豆孔庶為

賓為客獻酬交錯禮儀卒度 籩豆有楚穀核為旅鐘


鼓既設舉醕逸逸 庭燎晰晰璧玉華光 皇慈霧洽

聖渥天浮 百末旨酒酌彼金罍 亦既醉止于胥樂

兮 惠過加護恩優置醴 天賜難老如岳之崇 含

和吐氣蹈德詠仁 外饗百品酒正六物 台鼎資庖

天星奉酒 羣后戾止有來雍雍豐肴萬俎旨酒千鍾
禮儀卒度物有其容晰晰庭燎嚶嚶鼓鐘 禮充樂
備蕭韶九成愷樂飲酒酣而不盈 賓之初筵藹藹濟
濟既朝乃宴以洽百禮 觀頤養正降福孔皆



玉海卷七十三

欽定四庫全書

子部
玉海卷七十四

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣沈清藻

謄錄監生_臣熊 燁

欽定四庫全書

玉海卷七十四

宋 王應麟 撰

禮儀

上壽

杜佑曰禮有獻醕無上壽詩雅曰虎拜稽首天子萬壽
豳風曰為此春酒以介眉壽左傳曰武伯為祝上壽酒也

漢未央宮為壽 置酒前殿

史紀高祖紀九年未央宮成高祖大朝諸侯羣臣置酒
未央前殿高祖奉玉卮起為太上皇壽殿上羣臣皆呼
萬歲大笑為樂

漢長樂宮上壽 上壽四會曲

見禮制朝儀 唐文粹杜佑三朝上壽有樂議云漢叔
孫通定禮儀七年長樂宮成諸侯朝禮畢復置酒侍坐
殿上皆伏尊卑次起上壽漢故事上壽四會曲注言但

有鐘鼓無有歌詩魏初作四會有琴筑但無詩郭
瓊云青龍二年以長笛食舉第十二古置酒曲代
四會又易古詩名曰羽觴行用為上壽曲鹿鳴以
下十二曲名食舉樂而四會之曲遂廢張華上雅
樂詩表云魏上壽食舉詩及漢代所施用其文句

短長不齊皆未合於古雅

漢故事云上壽四曲華亦言有歌解注當是闕

文晉代歌詩傳玄述具存

昭紀始元元年二月黃鵠下太液

池公卿上壽元鳳二年四月自建章宮徙未央宮

大置酒 元紀建昭四年正月以誅郅支單于羣
臣上壽置酒

漢諸王上壽 太子宮上壽

見宮類

長沙王發傳注應劭曰景帝後二年諸王來朝有

詔更前稱壽歌舞

帝以武陵零陵桂陽益馬

漢明堂上壽

見明堂 吾丘壽王傳汾陰得寶鼎薦見宗廟藏
於甘泉宮羣臣皆上壽賀曰得周鼎

漢朝堂上壽

明帝紀永平十七年夏五月戊子

見總
瑞類

漢德陽殿上壽

見元會

唐未央宮上壽

通鑑貞觀七年十二月丙辰閱武於城西高祖自臨勞
將士戊午還宮置酒故漢未央宮命頡利可汗起舞南
越酋長馮智戴詠詩笑曰胡越一家古未之有也太宗

舉觴上壽羣臣皆呼萬歲 紀八年十二月丁卯從太
上皇閱武于城西

唐兩儀殿上壽

舊紀貞觀八年三月甲戌太上皇

高祖

燕西突厥使者於

兩儀殿顧謂長孫無忌曰蠻夷率服古未嘗有無忌上
千萬歲壽高祖大悅以酒賜太宗太宗又奉觴上壽於
是太宗與文德皇后互進御膳并上御服一同家人常

禮

殿在太極宮
後古之內朝

西突厥傳泥孰冊號可汗賜鼓纛泥

孰遣使謝太上皇宴使者兩儀殿謂長孫無忌曰今蠻夷率服古亦有乎無忌上千萬歲壽太上皇喜以酒屬帝帝頓首謝亦奉觴上太上皇壽

唐慶善宮上壽

舊紀貞觀十六年十二月丁卯宴武功士女於慶善宮南門酒酣上與父老泣涕論舊事老人等遞起為舞爭上萬歲壽上各盡一杯 通鑑十六年十一月壬戌上校獵于岐陽因幸慶善宮召武功故老宴賜極歡而罷

庚午還京師

紀云甲子賜所過六縣高年禮餼粟
帛遂幸慶善宮庚午至自慶善宮

唐千秋節上壽 延英上壽

實錄玄宗以垂拱元年八月五日生於東都開元十七年八月癸亥宴百寮於花萼樓下左相乾曜右相說上表曰少昊著流虹之感商湯本玄鳥之命陛下二氣合神九龍浴聖月惟仲秋日在端五常星不見之夜祥光照室之朝請以為千秋節著之甲令布之天下咸令宴樂羣臣以是日獻甘露醇酎上萬歲壽酒王公戚里進

金鏡綬帶

張九齡千秋金鑑錄張彙有千秋鏡賦祥光夜合佳氣晨飛

士庶以

結絲承露囊相遺問村社作壽酒宴樂名為審白

帝報田神十八年八月丁亥御花萼樓以千秋節

百官獻賀賜四品已上金鏡珠囊繡綵賜五品以

下束帛上賦八韻詩又製秋景詩二十三年八月

五日御花萼樓宴羣臣御製千秋節詩序是日大

雨百官表賀二十四年八月壬子御廣達樓宴羣

臣奏九部樂

天寶七載八月已亥改為天長節

肅宗天成地平

節

九月三日

代宗天興節

十月十三日

德憲不置名

樂志德宗不立

節止於羣臣稱觴上壽

順宗聖壽節

見齊杭寺碑正月十二日

實錄文

宗大和七年八月中書門下奏太宗幸慶善宮即

降誕之所賦詩錫宴播為樂章玄宗降聖之辰為

千秋節王公上壽士庶交歡流于管絃書之甲令

請以十月十日為慶成節是日於宮中奉迎太皇

太后與昆弟諸王盛陳宴樂羣臣詣延英門奉觴上

千萬歲壽州府置宴一日八年九月敕延英上壽令

太常具儀注奏仍准上巳重陽例於曲江錫宴

開成元年

十月慶成節宴于延英殿太常進雲韶樂又賜百僚宴于曲江

武宗慶陽節

六月十二日

日宣宗壽昌節

六月十二日

懿宗延慶節

十一月十四日

僖宗應

天節

五月八日

昭宗嘉會節

三月十二日

哀帝乾和節

九月三日

玄宗誕日崔日用采詩大小雅二十篇及相如封禪書

獻之借以諷諭且勸告成詔賜衣一副物五十段 張

說皇帝誕日集賢殿宴詩曰瑞表壬寅露光傳甲子宵

杜甫詩風紀編生日御氣雲樓敞含風絲仗高

獨孤及表置天興節曰紀載震

之辰與八節同號

玄宗天長肅宗天平地成上壽作樂
悉如開元故事 又有天長節進鏡

表

于邵降誕頌曰甲觀畫堂繞樞神光十月良月降

生我皇舜膳以甘堯尊以酣誕彌之朔旬而有三代

宗

德宗孟夏十四日降誕節王度休獻繼天誕聖樂侯嘉
作獻壽文

唐太極殿上壽

見元會 通典開元禮冊命皇太子會羣臣皆如元會

之儀其日上壽辭曰皇太子岐嶷夙著令月吉日光踐

承華謹上千萬歲壽皇太子納妃皇帝會羣臣於太極殿如正至之儀上壽辭云皇太子嘉聘禮成克崇景福

唐麟德殿上壽

舉觴獻壽

實錄元和十四年三月乙酉以齊魯初平宴文武百僚于麟德殿宰臣裴度等舉觴獻壽跪而言曰神武獨斷寇逆削平願與四海九州之人同上千萬歲壽帝執酒為飲之賜緡綵丙戌又宴宰輔大臣翰林學士于禁

中一本云元和十四年齊魯初平宴文武百寮裴度舉觴獻壽跪而言曰神武獨斷寇逆削平錫宴羣臣當

茲令節願與四海九州之人同上千萬歲壽上
執酒為飲之 舊紀云三月丁酉宴麟德殿

唐興慶宮上壽

文宗太和元年五月壬戌朔赴興慶宮起居太皇太后丙寅帝赴興慶宮上壽中外端午進獻如常歲

萬壽節

後唐
莊宗

應聖節

明
宗

千春節

宋
帝

天和節

晉高
祖

啓聖節

少
帝

聖壽節

漢高
祖

嘉慶節

隱
帝

永壽節

周
太

祖

天清節

世
宗

天壽節

恭
帝

大明節

梁太
祖

明聖節

末
帝

建隆廣政殿上壽

大宴

元年以二月十六日為長春節丙戌賜羣臣襲衣百官

詣廣政殿上壽十九日辛卯大宴廣政殿

誕節後大宴始此

國初上壽大樂令設登歌於殿上二舞立縣南一爵奏

禧安之樂二爵奏神龜之樂羣臣投酒正安樂作尚食

進食大樂丞引元德升聞舞入

三變

三爵奏甘露之樂四

爵登歌奏紫芝之樂天下大定之舞入

三變

五爵奏嘉禾

之樂六爵登歌奏玉兔之樂後止用教坊樂

太平興國崇德殿上壽

太平興國二年以十月七日為乾明節十月甲子羣臣
上壽崇德殿渤泥契丹使咸陪位淳化元年正月己卯
改為壽寧節 宣和二年四月乙丑詔正月四日開基
節

咸平崇德殿上壽 獻壽歌

真宗以至道三年即位八月庚子以十二月二日為承
天節咸平元年十二月丁亥羣臣詣崇德殿上壽祥符
八年十二月戊寅承天節羣臣及契丹西戎高麗注輦

女真使上壽壬午王欽若作獻壽歌上和之 晏殊作

承天節述聖賦 楊億作承天節頌

天禧上壽儀注

五年十月十日中書言凡慶會皇太子押文武百官班
奉觴上壽令禮官別定儀注

天聖崇德殿上壽

乾興元年仁宗即位二月乙丑以四月十四日為乾元

節 仁宗以祥符三年生章懿夢二
日在天其一忽墜以裾承之 天聖元年四月丁未

親王樞密使以下詣長春殿上壽宰臣文武百官契丹使詣崇德殿上壽賜酒三行五年八月趙良規上乾元節祝聖壽賦召試學士院十四日賜及第

天聖會慶殿上壽

乾興元年十一月乙亥詔以正月八日皇太后誕日為長寧節天聖元年正月庚午契丹使來賀四年十二月丁亥上欲元日率百官先上皇太后壽命禮官具儀戊戌學士院上甘露瑞木嘉禾三曲五年正月壬寅朔率

百官上皇太后壽于會慶殿禮畢皇帝乃御天安殿受朝賀是日景雲見巳酉長寧節近臣詣崇政殿上壽庚戌大宴會慶殿七年十一月癸亥率百官上壽于會慶殿八年十二月乙未詔長寧節百官上壽于崇政殿九年正月丙辰上壽會慶殿 其後宣仁曰坤成節壽明楊太后曰壽慶節

治平熙寧元祐紫宸殿上壽

英宗以正月三日為壽聖節治平元年正月己亥親王

樞密以下詣垂拱殿宰臣百官以下及契丹使詣紫宸殿上壽 神宗以四月十日為同天節熙寧元年垂拱紫宸殿上壽 哲宗以十二月八日為興龍節元祐二年十二月羣臣及遼使詣紫宸殿上壽 徽宗以十月十日為天寧節

紹興紫宸殿上壽

建炎元年五月乙未以五月二十一日為天申節詔寢上壽禮羣臣拜表稱賀二年四月己巳詔郡縣錫宴勿

用樂紹興十三年五月丁丑始復上壽之禮用樂宰臣率百僚詣紫宸殿上壽己卯大宴集英殿十七年正月丙戌班天申節宴設之制

紹興慶壽禮

十九年正月甲申朔以皇太后年登七十即宮中行慶壽之禮二十九年正月丙辰朔以年八十詣慈寧殿行

慶壽禮

百官詣文德殿
賀慶典自此始

紹興慈寧宮上壽

十二年十月甲申皇太后生辰燕于慈寧宮始用樂上
壽十三年五月丁丑天申節宰臣率百官上壽始用樂
三月庚子許近臣進金酒器銀
香合馬郡縣錫宴皆如承平時二十六年十月丙戌上
皇太后回鑾事實進讀畢內庭行捧觴上壽之禮

隆興紫宸殿上壽

孝宗以六月二十二日為會慶節元年紫宸殿上壽

光宗以九月四日為重明節 寧宗以十月十九日為

瑞慶節 理宗以正月五日為天基節

淳熙德壽宮慶壽禮

淳熙二年十二月十七日甲午立春詣德壽宮行慶壽禮

太上皇帝新歲七十皇帝服鞞袍升輦至宮八次簪花

云云赦天下十三年正月一日

庚申朔

行慶壽禮

聖壽八十賀表

曰位在九五而事父母於一堂年登八十而聞子孫于四世消辰而陳寶冊獻壽而奉玉卮

十年太

上皇后新歲七十十二月十六日丙子以立春行慶壽禮
紹熙五年后年八十行慶壽禮

淳熙康壽殿上壽

十三年正月庚辰朔上率百官花簪用樂

太上皇壽
登八十逆

行慶
典

上壽于康壽殿廷癸未百官稱賀于文德殿又

移班稍東箋賀中宮又奉玉卮於前殿漢展未央之
儀響鸞佩於後宮唐行興慶之禮雖云盛舉曾不同
時前殿奉卮企高皇而踵武大安進膳邁貞觀之彌
文

慶元重明節上壽

五年重明節上詣壽康宮起居上壽如宮中儀宰臣

百寮拜表賀六月丙戌以重明節前十日上初詣壽
康宮進香 陛戟百重鸞旂的歷輦降雲霄剴聞鳴
蹕庶邦冢君駢玉交烏鼎膺俎載遵且有秩挹彼注
茲泰樽盎齊貂蟬駿儀驩聲傳臚日華五色嶽靈三
呼祥風和氣蜿蜓扶輿汎漾壁璫披拂綺疏澄河一
色瑞日再中感星夢日舒虹燦電山稱萬壽河慶千
年百末旨酒酌彼金壘乾闥坤懌叢祥効竒社鳴河

清

養老

三禮義宗天子養老義曰一以尊年敬德二以乞言修治

三王養老 燕禮 饗禮 食禮

王制凡養老有虞氏以燕禮夏后氏以饗禮商人以食禮周人修而兼用之

入詳見學校類

五十養於鄉六十養

於國七十養於學達於諸侯有虞氏深衣夏燕衣商縞衣周玄衣而養老凡三王養老皆引年

燕者體解節折而共

飲食之又為折俎加豆志豐而德洽饗以訓恭儉
酒盈而不飲肉乾而不食設几而不倚一獻而百
拜食者無百拜之恭無一獻之節所謂養口體者
也劉敞曰以養老莫善於燕養其體也以養我
莫善於饗正義皇氏曰人君養老有四一養老更
養其賢也

二子孫死難養其父祖三養致仕之老四養庶人
之老饗禮有四一諸侯來朝天子饗之大行人上
公饗禮九獻是也二王親戚及諸侯來聘王饗之
國語親戚宴享則有殺烝左傳王饗有體薦宴有
折俎公當饗卿當宴是也三戎狄之君使來王享

之國語戎狄坐諸門外而體委與之是也四饗宿
衛及耆老孤子酒正凡享士庶子耆老孤子共其
酒是也食禮有二一禮食大行人諸公三食之禮
有九舉及公食大夫禮是也二燕食謂臣下自與
賓客共食曲禮酒漿處右是也燕禮有二燕同姓
夜則飲之燕異姓讓之則止詩湛露鄭箋是也饗
禮在廟燕禮在寢 內則云云 同王制 凡養老五帝
憲三王有乞言五帝憲養氣體而不乞言有善則

記之為悖史三王亦憲既養老而後乞言亦微其禮

皆有悖史

餘見四代學

文王世子天子視學適東序釋

奠於先老遂設三老五更羣老

庶老也

之席位焉適饌

省體養老之珍具遂發咏焉退修之以孝養也及登

歌清廟既歌而語以成之也下管象舞大武而上下

之義行矣有司告以樂闋王乃命公侯伯子男及羣

吏曰反養老幼于東序終之以仁也 郊特牲饗有

樂食無樂春饗孤子秋食耆老疏謂夏殷禮也 夏

官羅氏中春羅春鳥獻鳩以養國老行羽物 通監

外紀皇甫謐云大戊修先王之政明養老之禮 尚

書大傳武丁明養老之道 三禮義宗簡民中賢者

及朝之致仕者養之若朝之賢者但養於太學不養

於鄉若民中賢者則由鄉而進先養於鄉然後養於學

凡一年之中養國者有四皆用天子視學之時一年之

內視學有四故養老之法亦有四皆用視學之明日春

夏以饗禮為先秋冬以食禮為主鄭注文王世子合樂

云謂春入學秋頒學此為二也學記未卜禘不視學
禘常在夏既有夏視學之禮冬不宜無詩書禮樂四
時教之故知有四視學之義一時教一術郊特牲云饗禘
有樂而食嘗無樂一云此乃夏殷法周禮之文食禮
有樂

文王養老

詩思齋雖雖在宮箋云宮謂辟雍宮也羣臣助文王養
老則尚和 尚書大傳齊宣王問於春子曰寡人欲行

孝弟之義為之有道乎春子曰昔者衛聞之樂正子曰
文王之治岐也五十者杖於家六十者杖於鄉七十者
杖於朝見君揖杖八十者杖於朝見君揖杖君曰趨見
客無俟朝以朝乘車輪輪御為僕送至於家而孝弟之
義達於諸侯九十杖而朝見君建杖君曰趣見毋俟朝
以朝車送之舍太子重鄉養卜筮巫醫御于前祝咽祝
哽以食乘車輪輪胥與就膳徹送至於家君如有欲問
明日就其室以珍從而孝弟之義達於四海此文王之

治岐也君如欲行孝弟之大義盍反文王之治岐 孟

子西伯善養老

文王為西伯

制其田里使養其老文王之民

無凍餒之老者

周食三老五更

樂記武王克商食三老五更於大學

禮運三老在學

天子袒而

割牲執醬而饋執爵而酌冕而總干所以教諸侯之弟

也

注老人知三德五事者周名大學曰東膠

夏官羅氏

見上

詩行韋序養

老乞言以成其福祿肆筵設席授几有緝御或獻或酢

洗爵奠羊酌以大斗以祈黃耆 陳祥道云古者建國

必立三卿鄉飲酒必立三賓而養老必立三老禮曰三公在朝三老在學三公非一人則三老五更亦非一人矣鄭康成曰三老五更各一人皆年老更事致仕者名以三五者取象三辰五星誤矣

漢養老令

文紀元年三月詔曰老者非帛不煖非肉不飽今聞吏稟當受驚者或以陳粟豈稱養老之意哉具為令有司

請令縣道年八十已上賜米人月一石肉二十斤酒五

斗其九十以上賜帛人二匹絮三斤賜物及當稟鬻米

者長吏閱視丞若尉致不滿九十令史嗇夫致二千石

遣都吏循行不稱者督之有罪耐以上不用此令

晁錯策賓

禮長老愛育少孤 賈山至言陛下禮高年九十一子不事八十者二算不事

武紀建元元

年二月八十復二算九十復甲卒四月詔民九十以上

有受鬻法為復子若孫遂其供養

元朔元年十一月詔曰旅耆老復孝敬

章紀章和元年七月壬戌詔令是月養衰老授几杖

行糜粥飲食其賜高年二人共布帛各一匹以為醴酪
元和二年五月賜天下高年爵三級 安紀元初四年
秋九月辛丑詔曰月令仲秋養老授几杖行糜粥方今
案比之時郡縣多不奉行甚違詔書養老之意 高祖
二年冬十月漢王如陝鎮撫關外父老

漢辟雍養三老五更 辟雍禮殿 饗禮

後禮儀志永平二年三月

與紀不同

上始帥羣臣躬養三老

五更于辟雍行大射之禮養三老五更之儀先吉日司

徒上太傅若講師故三公人名用其德行年耆高者一人為老次一人為更皆服都紵大袍單衣阜緣領袖中衣冠進賢扶玉杖五更亦如之不杖皆齋于太學講堂其日乘輿先到辟雍禮殿御坐東廂遣使者安車迎三老五更天子迎于門屏交禮道自阼階三老升自賓階天子揖如禮三老升東面三公設几九卿正履天子親袒割牲執醬而饋執爵而醕祝鯁在前祝鮪在後五更南面公進供禮亦如之明日皆詣闕謝恩以見禮遇大

尊顯故也

前志注鄧展曰漢直以一公為三老用大夫為五更行禮乃置李奇曰王者父事三老兄

事五更詩云三壽作朋

注宋均云三老知天地人事者也五更知

五行更代之事者也鄭玄禮記注曰三五者取象三辰

五星又一注云老人更知三德五事者也應劭曰三者

道成於天地人老者久也舊也五者訓於五品更者五

世長子更更相代言其能以善道更改已也

蔡邕明堂論云更應

作叟叟老人之稱

月令章句曰三老國老也五更庶老也明

紀永平二年冬十月壬子

志月與此不同非誤也

幸辟雍初行養

老禮詔曰間者暮春吉辰初行大射令月元日

令月十月也

復踐辟雍尊事三老凡事五更安車輓輪供綏執授侯
王設醬公卿饌珍朕親袒割執爵而醕祝鯁在前祝饁
在後升歌鹿鳴下管新宮八佾具修萬舞於庭三老李
躬年耆學明五更桓榮授朕尚書其賜榮爵闕內侯賜
天下三老酒人一石肉十斤有司其存者耆恤幼孤稱
朕意焉八年冬十月丙子臨辟雍養三老五更贊曰登
臺觀雲臨雍拜老懋惟帝績增光文考 章紀有司奏

孝明備三雍之教躬養老之禮儒林傳序中元元年初建
三雍明帝即位親行其禮天子始冠通天衣日月備法物之
駕盛清道之儀坐明堂朝羣后登靈臺望雲物袒割辟
雍之上尊養三老五更射享禮畢帝正坐自講諸儒執
經問難於前冠帶縉紳之人園橋門而觀聽者蓋億萬
計列傳桓榮永平二年三雍初成拜為五更大射養
老禮畢引榮及弟子升堂執經自為下說周澤永平
中拜侍中後數為三老五更

儒林

馮魴建初三年冬為

五更詔朝賀就列侯位 伏恭永平四年帝臨辟雍於行
禮中拜恭司空建初二年冬肅宗行饗禮以恭為三老
揚賜光和元年冬行辟雍禮以光祿大夫為三老

東京賦日月會于龍苑恤人事之勞疚因休力以息勤
致懼忤於春酒執鸞刀以袒割奉觴豆於國叟降至尊
以訓恭送迎拜於三壽敬慎威儀示民不偷我有嘉賓
其樂愉愉聲教布濩盈溢天區辟雍詩皤皤國老乃父
乃兄 魏甘露三年八月丙寅王祥為三老鄭小

同為五更行養老禮於大學

晉志云甘露二年
宋志云今無其注然

漢禮
具存

漢中興養老禮儀

通典譙周五經然否曰漢中興定禮儀羣臣欲令三老

答拜城門校尉董鈞

鈞永平初
為博士

駁曰養三老所以教事

父之道也若答拜是使天下答子拜也詔從鈞議虞喜

曰據漢儀於門屏交禮交禮即答拜中興謬從鈞議後

革之和帝以魯丕為三老安帝以魯丕李充為三老靈

帝以表逢為三老賜以玉杖

漢勞饗三老

紀建武十九年九月幸汝南南頓縣舍置酒會賜吏人
永平十年閏月甲午幸南陽日北至祠舊宅禮畢召校
官弟子作雅樂奏鹿鳴帝自御塤箎和之以娛嘉賓還
幸南頓勞饗三老官屬建初七年九月己酉幸鄴勞饗
魏郡守令已下至三老

漢賜高年帛

紀地節三年三月元康二年三月三年春神爵元年三

月四年二月五鳳二年三月甘露二年正月初元四年

正月永光元年正月三月鴻嘉元年二月永始四年正

月元始四年二月並賜帛

又後漢章和元年七月

元魏養老

賜鳩杖

漢鳩杖

見賜物

紀孝文太和十六年二月賜京邑老人鳩杖

舊說云鳩不噎之鳥

一云取春物始化以助生氣

八月己酉養老于明堂尉元為三老游

明根為五更又養國老庶老於階下

祿三老以上公五更以元卿二

十年三月丙寅宴羣臣及國老庶老於華林園

假守令賜鳩杖

衣裳

後周紀武帝保定三年四月以于謹為三老賜延

年杖戊午幸太學以食之北面立而訪道再拜受言

唐太學養三老五更

禮樂志皇帝親養三老五更於太學所司先奏三師三公致仕者用其德行及年高者一人為三老次一人為五更五品以上致仕者為國老六品以下致仕者為庶老尚食具牢饌前三日尚舍設大次於太學堂之後前

一日設御座於堂上東序西向三老座於西楹之東近北南向五更座於西階上東向皆莞筵藻席衆國老座於堂下西階之西東面北上蒲筵緇布純加莞席大樂令展宮縣於庭設登歌堂上如元會儀其日鑿駕將至學生青衿服就位鑿駕入大次鑿駕出宮遣使迎三老五更於第俱冠進賢冠乘安車前從導從其國老庶老則有司預戒之鑿駕既至太學三老五更及羣老俱赴集侍中奏外辨殿中監進大珪皇帝執大珪降迎三老

於門內老更皆杖各二人夾扶左右敷史執筆以從皇
帝再拜三老五更攝齋荅拜俱坐三公授几九卿正履
殿中監尚食奉御進珍羞及黍稷等皇帝省之遂設於
三老前皇帝執醬而饋乃詣酒尊所取爵侍中贊酌酒
皇帝執爵而酌尚食奉御以次進珍羞於五更前皇帝
即座三老乃論五孝六順典訓大綱格言宣於上惠音
被於下皇帝乃虛躬請受敷史執筆錄善言善行禮畢
老更升安車導從而還

通典仲秋之
月謹擇良辰

唐宴父老乾元殿

實錄武德五年三月宴京城父老賜布貞觀六年五月
宴岐州父老賜帛十一年正月宴長安父老於玄武門
賜以粟帛三月癸卯幸洛陽宮召宴父老於乾元殿賜
粟帛十二年二月宴洛陽父老十五年五月壬申并州
父老請臨幸賜宴武成殿賜物遺之十八年十一月壬
午宴洛州父老一百九十人於儀鸞殿班賜有差二十
年幸并州宴太原父老八月丁卯見京城父老於北闕

賜食及粟帛顯慶元年正月辛未立皇太子年八十以
上賜粟帛巳卯宴之開元二十四年八月千秋節宴京
兆父老二十六年七月冊太子賜粟帛 冊府元龜貞
觀十五年二月癸丑宴從官及山東宗姓洛陽高年於
貞觀殿奏九部樂賜帛十六年十一月甲子幸慶善宮
召武功之郃城立節三時豐義四鄉士女七十已上及
居宮側數百人賜宴父老爭上壽賜帛有差十八年十
月癸卯宴雍州父老千一百人於上林苑 循省風俗則

先問高年時臨舊都乃宴衍故老或賜飲於端闕或迴輿於私室而又因靈休之集畢嘉祀之禮則錫之鳩杖賁之束帛登版授之秩開石窳之封斯教化之大本盛王之令典也

唐宴侍老含元殿 賜鳩杖

玄宗紀開元二年九月丁酉宴京師侍老于含元殿賜九十以上几杖八十以上鳩杖婦人亦如之賜於其家十一年正月癸巳版授侍老八十以上上縣令十七年

十一月戊申賜侍老帛二十年十一月庚申同二十三
年正月乙亥耕籍田侍老百歲以上版授上州刺史二
十六年七月己巳賜侍老粟帛加版授立太子大赦二十七
年二月己巳上尊號版授侍老百歲以上下州刺史九
十以上上州司馬八十以上縣令

唐賜糴余

紀高宗顯慶二年二月癸亥幸洛陽賜百歲以上糴余粟
帛四年閏十月辛巳賜民八十以上糴余粟帛五年三

月丙午皇后賜婦人八十以上氈衾粟帛 貞觀十八年十月癸卯宴雍州父老百歲以上氈被袍各一

唐祐燕京畿父老

二年九月辛亥大饗明堂十月乙亥燕京畿父老於錫慶院

玉海卷七十四

欽定四庫全書

玉海卷七十五

宋 王應麟 撰

禮儀

射

射者進退周還必中禮內志正外體直然後持弓矢
審固持弓矢審固然後可以言中此可以觀德行矣

虞射侯禮

書益稷帝曰侯以明之注當行射侯之禮以明善惡之

教 禮記正義射起於黃帝

易弧矢世本揮作弓夷
牟作矢是弓矢起於黃

帝

周大射 射儀 射正 鵠 射法 射中

天官司裘

中士二人
下士四人

王大射則共虎侯熊侯豹侯設其

鵠諸侯則共熊侯豹侯卿大夫則共麋侯皆設其鵠注

大射者為祭祀射王將有郊廟之事以射擇諸侯及羣

臣與邦國所貢之士可以與祭者射者可以觀德行其

容體比於禮其節比於樂而中多者得與於祭諸侯謂

三公及王子弟封於畿內者卿大夫亦有采地焉將祀

先祖亦與羣臣射以擇之凡大射各於其射宮

疏云於西郊小

學之中行大射之法侯者其所射也以虎熊豹麋之皮飾其側又

方制之以為辜

本亦作準

謂之鵠著於侯中所謂皮侯王之

大射虎侯王所自射也能侯諸侯所射豹侯卿大夫以

下所射諸侯之大射熊侯諸侯所自射麋侯羣臣所射

卿大夫之大射麋侯君臣共射焉凡此侯道虎九十弓

熊七十弓豹麋五十弓鄭司農云方十尺曰侯四尺曰

鵠二尺曰正四寸曰質

正鵠皆鳥之捷點者

玄謂鵠小鳥而難中

是以中之為雋用虎熊豹麋之皮示服猛也士不大射

士無臣祭無所擇 掌次射則張耦次注大射曰遂命

三耦取弓矢于次

夏官射人

下大夫二人上士四人下士八人

掌三

公孤卿大夫之位

疏儀禮內諸侯有燕朝及射朝

以射法治射儀王以

六耦射三侯三獲三容樂以騶虞九節五正

九十

諸侯

以四耦射二侯二獲二容樂以狸首七節三正

七十 孤

卿大夫以三耦射一侯一獲一容樂以采蘋五節二正

五十士以三耦射豝侯一獲一容樂以采芣五節二正

易氏曰大射則大司馬合諸侯之六耦賓射則諸侯與王射而合卿大夫為六耦至諸侯之四耦孤卿大夫士

之三耦各以等辨注射法王射之禮治射儀謂肆之也鄭司農

云容者乏也待獲者之所蔽也大射禮唱獲者居乏中中則舉旌以宮下旌以

商鄉射曰司馬命獲者執旌以負侯九節析羽九重設於長杠三侯虎

熊豹也玄謂三侯者五正三正二正之侯也二侯者三

正二正之侯也一侯者二正而已此皆與賓射於朝之

禮也梓人職曰張五采之侯則遠國屬謂諸侯來朝者

也五采之侯即五正之侯也正之言正也

儀禮注正亦鳥名齊魯之

間名題肩為正

射者內志正則能中畫五正之侯中朱次白次

蒼次黃玄居外三正損玄黃二正去白蒼而畫朱綠九

節七節五節者秦樂以為射節之差疏大射諸侯禮謂

之司射天子謂之射人

易氏曰天子之射與諸侯卿大夫之射尊卑雖異而皆發乘矢

四矢也故用四節未發矢之前而天子以五節為聽諸侯以三節為聽孤卿大夫士以一節為聽此所以有九

節七節五節之辨也

若王大射則以狸步張三侯注狸步謂一

舉足為一步狸善搏者也其發必獲三侯虎熊豹也

易氏

曰射人掌賓射之灋而兼及大射之張侯

王射則令去侯立于後以矢行

告卒令取矢祭侯則為位與太史數射中佐司馬治射

正注大射禮曰大射正立于公後以矢行告于公下曰

留上曰揚左右曰方注射正射之法儀也疏射之威儀乃

是禮之正 大司馬若大射則合諸侯之六耦注王射

三侯以諸侯為六耦

射人注列國之君大射亦張三侯數與天子同

服不氏

射則贊張侯以旌居之而待獲

儀禮大射儀司馬正洗散遂實爵獻服不

大僕王射則贊弓矢 司弓矢大射共弓矢並夾

詳見兵制

繕人掌詔王射贊王弓矢之事

疏案大射禮大射正授弓小臣授矢天子

禮則繕人

春官大史凡射事飾中舍筭執其禮事注司農

云中所以盛筭玄謂設筭於中以待射時而取之中則

釋之鄉射禮曰君國中射則皮豎中於郊則閭中於竟

則虎中大夫兕中士鹿中天子之中未開

射人注射中數射者中侯

之筭也 禮記投壺之禮主人奉矢司射奉中疏 其中之制刻木為之狀如兕鹿而伏背以盛筭

車

僕大射共三乏

疏乏者矢至此乏極

司常凡射共獲旌

大司

樂大射王出入令奏王夏及射令奏騶虞詔諸侯以弓
矢舞 禮記月令季春之末擇吉日大合樂天子率公
卿諸侯大夫親往視之注大合樂所以助陽達物風化
天下其禮今亡天子以大射郡國以鄉射代之

周鄉射 五物

地官大司徒鄉三物教萬民賓興之三日六藝射 鄉

師正歲稽鄉器黨共射器

射器弓矢楛中之屬黨正主集為之

鄉大夫

以鄉射之禮五物詢衆庶

疏州長春秋二時習射於序名為鄉射物事也

一曰

和二曰容三曰主皮四曰和容五曰興舞注司農云和
閨門內行也容容貌也主皮善射射所以觀士也玄謂
和載六德容包六行主皮和容興舞則六藝之射與禮
樂與射之時民必觀因詢之也孔子射於矍相之圃觀
者如堵墻射至於司馬使子路執弓矢出誓射者又使
公罔之裘序點揚觶而語詢衆庶之儀若是乎庶民無
射禮因田獵分禽則有主皮疏儀禮鄉射云豫則鉤楹
內堂則由楹外又云序則物當棟堂則物當楣堂謂鄉

學鄉大夫所行射禮也。豫謂州長春秋習射于序，此詢者是三物之內三物，其事十有八。今六德之中唯問和六行之中唯問容，六藝之中唯問禮樂射。既貢賢于王，其餘未能盡備，畧舉五者問之。鄉射記唯君有射于國中，其餘則否。鄉射在城外，衆庶皆觀焉，故得詢五物。天子諸侯射先行燕禮，鄉大夫士射先行鄉飲酒禮，孔子為鄉大夫，鄉射之禮先行飲酒禮。子路為司射，易氏曰五物德之發見於射者也。射之物有五，而其節有三，曰和曰容見於未射之時，主皮和容見于射侯之際，興舞特見於

既射之後此射之序也內志正而其節比于樂是之謂
和外體直而其容比于禮是謂之容以中鵠為主是謂
主皮禮樂交作為為和容發揚蹈厲是為興舞
州行州射之禮鄉行鄉射之禮及三年而賓興 州長

春秋以禮會民射于州序注序州黨之學會民而射所
以正其志也 夏官諸子秋合諸射 儀禮鄉射禮第

五乃合樂周南關雎葛覃卷耳召南鵲巢采芣采蘋工

告于樂正曰正歌備司正立司正以監之司射主人之吏也司正為

司馬司射適堂西命弟子設豐將飲不勝者豐形似豆而卑樂正東

面命太師曰奏騶虞賓興樂正命奏陔 禮記王制者

老皆朝千庠

鄉學也鄉禮春秋射

元日習射上功習鄉上齒

論

語射不主皮馬融注射有五善一曰和志

和體

二曰和容

有容儀

三曰主皮

能中質

四曰和頌

頌合雅

五曰興武

興舞同

家語孔子射於鄉射於是退而與門人習射於矍相之

圃 周禮大聚解立鄉射以習容 射義注鄭目錄云

記燕射大射之禮別錄屬吉禮疏此篇中有鄉射又云

不失正鵠正則賓射然則鄉射賓射俱有之矣桑弧蓬

矢取其質也用六者射天地四方也禮射唯四矢者示

事有不用也象禦四方之亂孔子射於矍相之圃子路
出延射者是將射之前案鄉射司射比衆耦於堂西但
觀者既多庭中不容故出延之入乃比耦以初門外未
入觀者既多未有賓主之禮故誓惡者令不入射禮畢
旅酬之時乃使二人舉解鄉射禮畢司馬反為司正樂
工升堂復位賓取俎西之解酬主人主人酬大夫自相
旅畢君使二人舉解於賓與大夫此公罔之表序點二
人舉解之節也又云其侯並同賓射之法鄭注云鄉侯

二正

漢石渠議

見後漢志注

甘露三年三月黃門侍郎臨

奏鄉射合樂大射否何也韋玄成曰鄉人無樂故合之

朝廷君臣固有樂矣 郊特牲疏王者獵在囿而主皮

射亦在澤故鄭注鄉射記引尚書傳主皮射陳於澤然

後卿大夫相與射也又云嚮之取也於囿中勇力之取

也今之取也於澤宮揖遜之取也澤習禮之處 燕禮

疏鄉射賓與主人為耦此君與賓為耦亦是異於鄉射

也 大司馬疏大射是將祭而射故用諸侯為六耦賓

射亦用六耦用卿大夫為之燕射三耦用卿大夫已下
為之射人疏案鄉射記鄉侯五十弓弓二寸以為侯
中行葦疏孔子射於矍相之圃先行飲酒之禮則孔
子用鄉射禮公羊注諸侯歲貢小學之秀者於天子
學於大學其有秀者命曰造士行同而能偶別之以射
然後爵之

周燕射 饗射 羣臣射禮

春官樂師燕射帥射夫以弓矢舞

射夫衆耦也

司几筵大

饗射王立依前南鄉 司服饗射則鶩冕注饗食賓客

與諸侯射也 笙師饗射共其鍾笙之樂 夏官司弓

矢大射燕射共弓矢并夾注每人一弓乘矢 繕人掌

詔王射疏王射先行燕禮以大夫為賓賓與王為耦

冬官梓人張獸侯則王以息燕注燕謂勞使臣與羣臣

飲酒而射 儀禮燕禮射人告具

注射人主此禮以其或射也

射人

遂為司正若射則大射正為司射如鄉射之禮

大射正射人之

也長君與射則為下射袒朱襦樂作而后就物 詩行葦

四鍤既鈞序賓以賢四鍤如樹序賓以不侮傳鍤矢參
亭疏參亭謂三分矢一在前二在後輕重鈞亭四矢皆
然周禮司弓矢鍤矢殺矢用諸近射田獵恒矢庠矢用
諸散射注云散射謂禮樂之射此養老即是禮射而用
鍤矢此與賓客私宴不與常射同箋周之先王將養老
先與羣臣行射禮以擇其可與者以為賓疏禮稱將祭
而射謂之大射養老與祭相類亦射以擇賓則亦為大
射禮射有三賓射在朝而以射娛賓燕射因燕而射以

為樂皆無擇士之義此射必大射也王肅以此為養老

燕射案燕射於燕旅酬之後乃為之不當設文於曾孫

維主之上豈先為燕射而後酌酒也射義云古者天子

諸侯將射必行燕禮卿大夫之射必行鄉飲酒之禮大射

禮措三挾一箇謂卿大夫若其君則使人屬矢不親挾

也鄉射記君國中射則皮樹中以翻旌獲白羽朱羽

操注國中城中於郊則間中以旌獲注於郊謂大射也

也謂燕射也日大學於竟則虎中龍旌於竟謂與鄰

在郊國君射也

周賓射

大宗伯以賓射之禮親故舊朋友注射禮雖王亦立賓
主疏案大射禮以大夫為賓主小臣賓射掌事如大
僕之法注與諸侯來朝者射牛人掌賓射共膳羞之
牛鑄師賓射鼓金奏之樂眡滕賓射奏鍾鼓典
庸器賓射設筍虞陳庸器射人以射法治射儀注此
賓射於朝之禮詳見前大射不言士此與諸侯之賓射士不
與也疏司裘大射不言士案下文士豻侯二正則士得

自行賓射不得與君賓射矣大射在學故有著冕在庠

之事賓射在路門之外朝與彼異

司裘疏賓射射正大射射鵠

梓人

張五米之侯則遠國屬注五米畫正之侯賓射也射

義疏射矍相之圃謂賓射鄭注鄉侯二正是用賓射之

正凡賓射之侯謂之正天子賓射用五正三正二正之

侯畿內諸侯賓射用三正卿大夫士二正畿外諸侯同

天子

周郊射

樂記武王克殷散軍而郊射左射狸首右射騶虞而貫
革之射息也裨冕搢笏而虎賁之士說劍也注郊射謂
為射宮於郊也左東學也右西學也疏諸侯習射東學
天子習射西學皇氏以為射必中如狸之取物其義非
也鄭注大射云狸首逸詩狸之言不求也其詩有射諸侯首不朝者之言因以名篇武成乃
偃武修文注倒載干戈包以虎皮示不用行禮射設庠
序修文教

周禮射

書武成乃偃武修文注行禮射 禮司弓矢散射注謂
禮射及習射 詩行葦疏養老即是禮射而用鏃矢者
此與賓客私宴不與常射同禮射有三賓射在朝而射
以娛賓燕射因燕而射以為樂是無擇士之義樂記云
祀於明堂食老更於大學是祭與養老相類故知此射
必大射也 射義疏禮射唯四矢

周五射 三射

大司徒六藝注射五射之法 保氏教六藝三曰五射

注白矢參連剡注襄尺

襄音讓

井儀也疏白矢矢貫侯過

見其鏃白參連前放一矢後三矢連續而去剡注羽頭

高鏃低而去剡剡然也襄尺臣與君射不與君竝立襄

君一尺而退也井儀四矢貫侯如井之容儀

漢陳敬王傳愍王寵

善射射十發十中中皆同處華嶠書曰寵射其秘法以天覆地載參連為奇又有三微三小三微為經三小為

緯然要在機牙六韜太黃參連弩見李廣傳注

射義疏凡天子諸侯及卿大

夫禮有三射一為大射是將祭擇士之射二為賓射諸

侯來朝天子入而與之射也或諸侯相朝而與之射也

三為鄉射謂燕息而與之射

賓之初筵鄭箋射禮其天
有三大射賓射燕射

子諸侯大夫三射皆具其士無大射故司裘職云大射
唯明王及諸侯卿大夫不及於士賓射燕射士皆有之
射人云士射犴侯二正是士有賓射也又鄉射記曰士
布侯畫以鹿豕是士有燕射矣此三射之外又有鄉射
謂鄉大夫貢賢能之後行鄉射之禮而詢衆庶又有州
長射于州序之禮其侯並同賓射之法鄭注云鄉侯二
正又有主皮之射二一是卿大夫從君田獵班餘獲而

射書傳云凡祭取餘獲陳於澤鄉大夫相與射鄭注鄉

射稱主皮者無侯張獸皮而射之主於獲也二是庶人

亦主皮鄭注周禮庶人無侯張皮而射之是也詩行葦正義大

夫射禮有五大射賓射燕射鄉射主皮之射又有習武之射司弓矢云弧弓

以授射甲革楛質是也畫布曰正則賓射也栖皮曰鵠

則大射也周禮正義大射射鵠賓射燕射射侯射人疏梓人有二等侯

云張皮侯而棲鵠及司裘虎熊豹皆大射之侯也張五

采之侯及五正等皆賓射之侯也張獸侯及鄉射記天

子熊侯白質之等皆燕射之侯也三射各有其侯
先鄭以皮侯釋正侯非也射義諸侯之射必先
行燕禮疏案儀禮大射在未旅之前是先行饗禮
而云燕者燕初似饗燕射則尊卑皆用一侯君畫
一臣畫二燕射射熊虎豹不忘上下相犯射麋鹿
豕志在君臣相養也其耦射人云諸侯以下謂畿
內也若畿外諸侯以下則皆三耦大射及鄉射并左傳
襄二十九年晉士鞅來聘射皆三耦是也司弓矢恒

矢庫矢用諸散射注謂禮射及習射也疏禮射者即大射賓射燕射之等其習亦於此三射中為之通典周

初千八百國所以崇三射之制立五善之目於茲選士

由此封侯本在戡敵實寓大政

晉竹書有繳書二篇論弋射法

周皮侯 五米侯 獸侯 祭侯

梓人為侯廣與崇方參分其廣而鵠居一馬上兩個與其身三下兩個半之上綱與下綱出舌尋張皮侯而棲

鵠則春春讀為蠢蠢動也以功射張五米之侯則遠國屬射張

獸侯則王以息燕

射燕

祭侯之禮以酒脯醢其辭曰惟若

寧侯毋或若汝不寧侯不屬於王所故抗而射女注皮
侯以皮飾司農曰王大射共虎熊豹侯也又射人曰王
大射則以狸步張三侯五采侯者五采畫正之侯王以
六耦射三侯九節五正諸侯朝會張之所謂賓射也獸
侯畫獸之侯鄉射記曰凡侯天子熊侯白質諸侯麋侯
赤質大夫布侯畫以虎豹士布侯畫以鹿豕凡畫者丹
質是獸侯之差也息者休農息老物燕謂勞使臣若與

羣臣飲酒而射

侯之別有三易氏曰後鄭謂大射之侯用鵠賓射之侯用正燕射之侯用質合

于梓人之說

射人祭侯則為位注祭侯獻服不服不以祭

侯為位為服不受獻之位也大射曰服不侯西北三步

北面拜受爵疏大射禮使服不氏負侯將祭之時先設

位於侯西北北面射鳥氏矢在侯高則以并夾取之

司弓矢疏天子用王弧射虎侯用唐大射熊侯用夾

庾射豹侯

禮記正義

射義

虞書曰侯以明之是射侯見

於堯舜夏殷無文周則具矣

儀禮大射儀司馬命量

人量侯道與所設之，以狸步大侯九十，參七十，干五十。設之各去其侯西十北十，遂命量人巾車張三侯。詩

猗嗟終日射侯，不出正兮。箋：正所以射於侯中者。天子

五正諸侯，三大夫，二士，一皆居侯中。參分之一，賓之初

筵，大侯既抗弓矢，斯張射。夫既同獻爾發，功發彼有的。

以祈爾爵。箋：天子諸侯之射皆張三侯，故君侯謂之大

侯。鄉射禮注：獸侯燕射，則張之鄉射及賓射當張。米侯二正。鄉大夫注：主皮者張皮射之，無侯。

周射器

地官鄉師正歲稽鄉器比共二服閭共祭器

簠簋鼎
俎之屬

共射器

弓矢楛
中之屬

州共賓器

尊俎笙
瑟之屬

鄉共禮樂之器

儀

禮鄉射命弟子納射器注弓矢決拾旌中籌福豐也

大射儀命有司納射器射器皆入君之弓矢適東堂賓

之弓矢與中籌豐皆止于西堂下衆弓矢不挾總衆弓

矢福皆適次而俟

賈誼新書懸弧之禮東方以梧南

方以柳中央以桑西方以棘北方以棗

大射儀疏熊

俟而謂之大者言畿外諸侯亦得用三侯其數上同於

天子故於熊侯加大以別之天子三侯則虎熊豹諸侯不得用虎侯而以熊糝豸為三侯若畿內則但有熊豹天子大射賓射六耦三侯畿內諸侯則二侯四耦畿外諸侯大射賓射皆三侯三耦畿外內各有一伸一屈畿外三侯遠尊得申三耦則屈畿內二侯近尊則屈四耦則申若燕射則天子諸侯例同三耦一侯而已以其燕私屈也若卿大夫士例同一侯三耦侯射布也三侯皆以布為之而以皮為鵠侯旁亦以皮飾之之即周禮所謂

容射義疏天子大射射皮侯

虎熊

畿內諸侯大射張

熊侯豹侯若畿外諸侯大射亦張三侯鄭注云遠尊得

伸故亦張三侯一曰大侯

熊

二曰糝侯

雜也豹鵠而麋飾

三曰

糝侯

胡犬皮飾侯

若畿內卿大夫射麋侯畿外卿大夫射侯

無文降君一等則糝糝侯其大射之侯皆有鵠

鄉射

記君國中射則皮樹中以翻旌獲白羽朱羽揉

城中也謂燕射

也於郊則閭中以旌獲

大射於大學王制大學在郊

於竟則虎中龍

檀

謂與鄰國君射也

大夫兕中各以物獲士鹿中翻旌以獲

謂小

國之州
長也

唯君有射于國中其餘否

臣不習武事
於君側也

禮司

表注所射正謂之侯者天子中之則能服諸侯諸侯以
下中之則得為諸侯侯中之大小取數於侯道鄉射記
曰弓二寸以為侯中則九十弓者侯中廣丈八尺七十
弓者侯中廣丈四尺五十弓者侯中廣一丈尊卑異等
梓人為侯廣與崇方參分其廣而鵠居一則侯中丈八
尺者鵠方六尺丈四尺者鵠方四尺六寸大半寸一丈
者鵠方三尺三寸少半寸疏侯中上下俱有布一幅夾

之所飾者唯兩旁 射人注今儒家云四尺曰正二尺
曰鵠鵠乃用皮其大如正此說失之矣疏賓射射正大
射射鵠儒家以正鵠為一解故鄭破之侯道者各以弓
為度九節者九十弓七節者七十弓五節者五十弓疏
弓之上制六尺六寸中制六尺三寸下制六尺六寸與
步相應 春秋正義屈蕩為連尹服虔云連尹射官言
射相連屬也

周澤官

夏官司弓矢澤共射椹質之弓矢大射燕射共弓矢如數并夾注鄭司農云澤澤宮也所以習射選士之處也射義曰天子將祭必先習射於澤澤所以擇士也已射於澤而後射於射宮射中者得與祭并夾矢籥也疏射椹質是試弓習武在澤宮矢籥之言出於漢時射義天子將祭必先習射於澤已射於澤而后射於射宮疏澤所在無文蓋於寬閑之處近水澤而為之非唯祭而擇士餘射亦在其中書傳云凡祭取餘獲陳於澤然後

卿大夫相與射論主皮射云嚮之取也於囿中勇力之取也今之取也於澤宮揖讓之取也是主皮之射亦近於澤選士於澤不射侯也但試武而已

於澤中射堪質

郊特

牲卜之日王立于澤親聽誓命受教諫之義也注澤澤宮也所以擇賢之宮也既卜必到澤宮擇可與祭祀者因誓敕之以禮也正義於其宮以射擇士因呼為澤宮王者獵在囿而主皮射亦在澤 賓之初筵箋先王將祭必射以擇士射禮有三有大射有賓射有燕射正義

將祭再為射禮澤宮言習射則未是正射射於射宮乃
行大射鄉射記曰於郊則閭中注云於郊謂大射於學
則射宮者西郊之學也澤宮之所在則無明文毛以此

篇為燕射

注云大侯君侯
也有燕射之禮

鄭則為大射大射者將祭擇

士於射宮賓射者謂諸侯來朝與之射於朝燕射者因
燕賓客即與射於寢三者其處不同其侯亦別冬官梓
人皮侯即大射也五米之侯賓射也獸侯燕射也不言
鄉射者鄉射是州長與其民射於州序之禮天子諸侯

無之射禮主於射畧於樂大射云司射命曰不鼓不釋
言射不與鼓節相應不釋筭也樂正命大師曰請奏豕
首間若一言調其疏數以節射也然則射之樂者擊鼓
作歌與射者為節而已不必大作諸樂 車攻注禽雖
多擇取三十焉其餘以與大夫士以習射於澤宮田雖
不得禽射中則得取禽古者以辭遜取不以勇力取疏
所謂班餘獲射也 書傳穀梁傳畧同 小宗伯注詩傳
云習射于澤宮而分之 尚書大傳
已祭取餘獲陳于澤然後卿 又射夫既同疏田無射禮
大夫相與射注澤射宮也

既田乃有班餘獲射在於澤宮言同復將射之位
在澤宮之位也鄉射禮云禮射不主皮不勝者降即此是也
家語郊問篇王親立于澤宮以聽誓命說文津諸
侯鄉射之宮西南為水東北為牆

周射宮

諸子掌國子之倅秋合諸射注射射宮也疏射宮即國
之小學在西郊則虞庠是也

司几筵疏大射席在虞庠

大司馬大

射合諸侯六耦注大射王將祭射于射宮以選賢也

司

注凡大射各於其射宮疏西郊之學

大射儀公入鷲注射宮在郊以將

還為入射義諸侯歲貢士於天子天子試之於射宮

其容體比於禮其節比於樂而中多者得與於祭已射

於澤然後射於射宮正義其射宮天子大射則在廟也

司服云享先公饗射則鷲冕天子賓射則在朝射人云

諸侯在朝皆北面是也其服皮弁服天子諸侯燕射則

在寢諸侯燕於小寢天子路寢之朝謂之燕朝鄉射記

云君國中射則皮樹中注謂燕射其服則玄冠緇衣素

裳諸侯大射在郊學鄉射記於郊則閭中注云大射於大學其服皮弁諸侯賓射若在國則亦在朝若在國外

相會則在竟鄉射記於竟則虎中其服亦皮弁其卿大

夫以下射之所在無明文

禮大射之禮王將祭射宮擇士以助祭張虎侯熊侯豹侯

若今之的天子射中可以服諸侯也天子侯丈八尺

樂記疏郊射射於射宮在

郊學之中天子於郊學而射所以擇士簡德習禮射於

學故貫革之射止息也熊氏云殷禮小學在公宮南之

左大學在郊武王猶用殷制故小學射狸首大學射騶

虞言為射宮於郊者大學也貫革所謂軍射也燕義

疏仲秋之時合其諸子在於射宮

擇士習射之宮也

穀梁傳習

射於射宮

周射節

樂師凡射王以騶虞

大司樂及射令奏騶虞

諸侯以貍首大夫以

采蘋士以采芣為節注皆樂章名在國風召南惟貍首

在樂記射義曰騶虞樂官備貍首樂會時采蘋樂循法

采芣樂不失職也鄭司農說以大射禮曰樂正命大師

曰奏狸首間若一疏樂記曰左射狸首右射騶虞間若
一者謂七節五節之間緩急稀稠如一 大師帥瞽而
歌射節注王歌騶虞 鍾師凡射王奏騶虞諸侯奏狸
首卿大夫奏采蘋士奏采繁 射人九節七節五節注
奏樂以為射節之差 詳見大射 騶虞九節狸首七節采蘋采
繁皆五節言節者容侯道之數 射義云云詩曰曾孫侯
氏四正具舉大夫君子凡以庶士小大莫處御于君所
以燕以射則燕則譽注此狸首節也疏鄉射注云五節

歌五終四節四拾其一節先以聽也然則九節者五節
先以聽七節者三節先以聽皆以四節應乘矢拾發也
鄭注大射云狸之言不來也其詩有射諸侯首不朝者
之言大射禮獻大夫之後乃後工入樂作而後射若燕
射則說屨升堂坐之後乃射矣孔子曰射者何以射何
以聽循聲而發發而不失正鵠者其惟賢者乎疏射中
與樂節相會為難 郊特牲孔子曰射之以樂也何以
聽何以射士使之射不能則辭以疾懸弧之義注多其

射容與樂節相應也 大射儀司射與司馬請以樂于

公注云請奏樂以為節也射用應樂為難疏禮射其節

比於樂也司射命曰不鼓不釋注鼓亦樂之節凡射之

鼓節投壺其存者也周禮射節天子九諸侯七卿大夫

以下五疏今禮記投壺篇圖出魯鼓薛鼓云取半以下

為投壺節盡用之為射節奏狸首注逸詩曾孫也

漢郊祀志

長弘設射不來史記設射狸首史記有原壤所歌之辭曰狸首之班然或曰狸首鵲巢也篆文狸似鵲首似巢

周射

見朝儀

漢射法 射書

唐射經

又見後

藝文志兵技巧十三家百九十九篇逢門射法二篇陰

通成射法十一篇李將軍射法三篇

李廣

魏氏射法六篇

強弩將軍王圍射法五卷望遠連弩射法具十五篇護

軍射師王賀射書五篇

晁錯傳居則習民於射法

李廣傳世世受射注射法

控弦貫石威動北隣

唐志執術有王

琚射經一卷張守忠射記一卷

通典兵制引趙國公王琚教射經上下篇

漢辟雍大射

射宮

紀明帝永平二年三月臨辟雍初行大射禮

月令季春注大合樂

今天子以大射郡國以鄉射代之

和帝永元十四年三月戊辰臨辟

雍饗射

順帝陽嘉元年三月庚寅帝臨辟雍饗射大

赦改元陽嘉 禮儀志永平二年三月上始帥羣臣養

三老五更于辟雍行大射禮注袁山松書曰天子皮弁

素積親射大侯

周雅頌樂辟雍饗射之樂

輿服志行大射禮於辟

雍公卿諸侯大夫行禮者冠委貌衣玄端素裳執事者

冠皮弁衣緇麻衣皐領袖下素裳 百官志太常卿大射養老皆奏其禮儀 東京賦春日載陽合射辟雍設業設虞宮縣金鏞鼗鼓路鼗植羽幢幢伯夷相儀后夔為工張大侯制五正設三乏扉司旌并夾既設儲乎廣庭天子乃撫玉路時乘六龍發鯨魚鏗華鐘大丙弭節風后陪乘攝提運行徐至于射宮禮事展樂物具王夏闕騶虞奏決拾既飲雕弓斯毅仁風行而外流誼方激而遐驚 列傳曹克建武中議五大射養老禮儀 樊準

上疏明帝每饗射禮畢正坐自講雖闕里之化矍相之事不足言 陳王羨子思王鈞立不法私行天子大射禮注謝承書曰陳國戶曹史高慎諫曰諸侯射豕天子射熊八彛六尊禮數不同奢僭之漸不可聽也 張敏

永初元年

安帝

召拜司空六年春行大射禮陪位

漢鄉射 郡縣饗射

儒林傳序高帝引兵圍魯魯中諸儒尚講誦習禮於是諸儒始得修經學講習大射鄉飲之禮 禮樂志河間

王雅樂春秋鄉射作於學宮 傅司馬遷鄉射鄒嶧

韓延壽為東郡太守修治學宮春秋鄉射陳鍾鼓管弦

盛升降揖讓及都試講武習射御之事歌者先居射室

李奇曰都試射堂也延壽坐射室騎士從者帶弓鞬羅後 後儒

林傳序本初元年詔於鄉射月一饗會注漢官儀春三

月秋九月習鄉射禮禮生皆使太學學生 後傳劉昆

陳留人教授弟子每春秋饗射常備列典儀以素木軻

葉為俎豆桑弧蒿矢以射菟首

注歌菟首之詩而為節

行禮縣宰

率吏屬觀之

儒林

鮑永為魯郡太守孔子闕里無故荆

自除從講堂至于里門永謂府丞及魯令曰闕里自開

豈夫子欲令行禮邪乃會人衆修鄉射之禮 秦彭為

山陽太守每春秋饗射修升降揖讓之儀

循吏

楊厚門

人為立廟郡文學掾史春秋饗射常祠之 伏湛傳論

惠公造次急於鄉射之禮 禮儀志注服虔應劭曰漢

家郡縣饗射祭祀皆假士禮而行之樂縣笙磬籥俎皆

如士制

儀禮注

鄉射禮

今郡國行此禮以季春今郡國

行此鄉射禮皮弁服與禮 禮記射義疏儀禮大射

云耦進上射在左並行當階北面揖及階揖升堂
揖皆當其物北面揖及物揖射畢北面揖揖如升
射是射時升降揖讓也大射又云飲射爵之時勝
者皆袒決遂執張弓不勝者皆襲說決拾卻左手
右加弛弓于其上遂以執附揖如始升射及階勝
者先升升堂少右不勝者進北面坐取豐上之解
立卒解坐奠於豐下興揖不勝者先降是飲射爵

之時揖讓升降也 宋蔡興宗為會稽太守三吳舊
有鄉射禮久不復修興宗行之禮儀甚整先是元嘉
中羊玄保為郡亦行鄉射

漢大射曲臺 博士行大射禮

見臺類 五行志鴻嘉二年三月博士行大射禮有飛
雉集於庭雁階登堂

晉宴射華林園

文選應吉甫有晉武帝華林園集詩注干寶晉紀秦始

四年二月晉武帝與羣臣射於華林園 晉書應貞字

吉甫武帝於華林園宴射貞賦詩最美詩曰於時肄射

弓矢斯御發彼五的有酒斯飫

的射質也

晉鄉射

通典晉咸康五年征西庾亮行鄉射之禮依古周制親

執其事洋洋有洙泗風宋武帝為宋公在彭城九月九

日出戲馬臺射北齊三月三日射 晉輿服志行鄉射

禮則公卿委貌冠

隋志

禮類

雜鄉射等議三卷晉太尉

庾亮撰

元魏射宮銘

宣武景明中幸鄴帝親射遠及一里五十步羣臣勒銘於射所後於河內懷縣親射矢一里五十餘步侍中高顯等奏聖武自天神藝夙茂巧會駟虞之節妙盡矍圃之儀威稜攸疊彪兕懾氣才猛所振勅懃弭心足以肅截九區赫服八字盛事竒跡請勒銘射宮

隋大射武德殿

紀開皇十二年十一月甲子百寮大射於武德殿大業
四年正月庚戌百寮大射於允武殿 周武帝保定元年
正月丙子大射於正武殿二年十月辛亥御大武殿大
射

唐大射 射殿

會要武德二年正月

一云五年
正月辛丑

賜羣臣大射于玄武門

四年八月

一云九月
癸亥

賜五品以上射於武德殿

貞觀三

年三月三日

甲辰

賜羣臣大射於立

一作
立

德門

五年三

月三日 癸亥 賜文武五品以上射武德殿 九月乙丑同 舊紀貞觀五年

九月乙丑賜羣公 大射於武德殿 六年三月三日 丙辰 賜羣臣大射武

德殿 十一年三月三日 戊子 引五品以上射於儀鳳 一作

鸞殿 十六年三月三日 戊午 賜百僚大射於觀德殿九

月九日又賜文武五品以上射於玄武門 永徽三年

三月三日 丙辰 幸觀德殿賜羣臣大射 五年九月三日

乙亥 御丹霄樓三品以上行大射禮四日 丙子 賜五品以上

射帝升永光門樓觀之 麟德元年三月三日展大射

禮 景雲二年源乾耀上表請行射禮 先天元年九

月九日

乙亥

御安福門賜公卿射麟德後此禮久廢今重

行之

二年三月三日太上皇御安福門觀百僚射至

八日乃止

開元七年三月三日賜百官射 八年九

月七日制賜百官九日射給事中許景先駁奏遂罷之

二十一年八月詔曰將射侯以觀德豈愛羊而去禮

其三九射禮依舊九月九日五品以上賜射于安福門

樓下自此以後射禮遂廢

以上並會要

大射樂章四皇帝射

騶虞二秦王公射狸首一奏迎送皇帝入閣奏太和觀

初張文收定樂皇帝大射以姑洗為宮奏騶虞之曲皇太子奏狸首之曲

志射前一日太

樂令設宮縣之樂鼓吹令設十二案於射殿之庭張熊
侯去殿九十步設三乏於侯西北十步及五福庭前少
西布侍射者位陳賞物於東階下罰豐於西階下其日
質明皇帝服武弁文武官公服引入樂作如元會儀酒
二徧侍中奏稱有司謹具請射制可王公以下皆降立
文官東階下武官西階下千牛備身奉御弓及矢立東

階上千牛中郎奉決拾以筭千牛將軍北面張弓以袂
順左右隈左執弣右執簫以進千牛郎將以巾拂矢一
一供御欲射協律郎舉麾先奏鼓吹及奏樂騶虞五節
御及射第一矢與第六節相應第二矢與第七節相應
以至九節協律郎偃麾樂止千牛將軍以矢行奏中曰
獲下曰留上曰揚左曰左方右曰右方侍射者進云云
樂奏狸首三節以至七節樂止有司奏請賞罰若特射
無侍射之人則不設福不陳賞罰若燕游小射則常服

不陳樂縣不行會禮

鄭玄說射禮入嘉禮開元入軍禮

通典唐制射

于射宮則張熊侯觀于射宮則張麋侯皆去殿九十步

若游宴則不陳樂縣 張說玄武門侍宴詩序開元之

初季冬望後二日乃命羣臣合宴射棚新成大侯既設

梨仗林立帷軒霧布卷珠箔臨玉除唐弓在手夏箭斯

發應弦命中屬羽連飛詩曰彫弧月半上畫的暈重圍

元稹有觀兵部馬射賦

唐顯德殿習射

通鑑武德元年九月丁未太宗引諸衛騎兵統將等習射于顯德殿庭上親臨試中多者賞以弓刀布帛其將帥亦加上考謂將軍已下曰兵士習弓馬庶使汝戰鬪前無橫敵居閑無事則為汝師突厥入寇則為汝將朝臣多有諫者上不納日引數百人於殿前教射自是士卒皆為精銳

唐諸王射苑中

附二
肅宗初為忠王嘗與諸王射苑中矢三發連中的

觀者以為神

唐射宮

見東宮官

唐射經

崇文目射經一卷王琚注射法一卷射書十五卷射鑑
九圖一卷射記一卷九章射術三卷九鑑射經一卷

書目王琚射經一卷分上下二篇上篇論體法下篇較

手力

武經總要云王琚教射
二篇多言射之容止

射訣一卷唐王堅道案田

逸張宗王琚韋蘊等經纂為此書有四戒三謹五善五難二合三開五病隨題立注從注加詩射評要畧一卷題漢李廣撰論學射體法之病凡十五篇淺近蓋依託也

唐馬射圖

志藝術陳宏畫玄宗馬射圖 含元殿賦張三侯以興武 王潛節度荆南分射三等課士習之

唐太學射堂

文苑英華周存觀太學射堂賦非取善於主皮蓋繹心
而正已外直諸體內正乎志循聲而發彼有的得祭而
益乎爾地 孫樵云嘗入太學見叢甍負土而起就視
得石刻乃射堂舊址

建隆迎春苑 金鳳園 玉津園 北園

習射

建隆二年二月二十六日辛卯幸迎春苑習射帝
中的者三從官稱賀閏三月十六日癸未三年正

月十六日庚午五月七日甲子六月二十六日乙卯十二月九日癸亥乾德二年正月癸未三月五月壬申四年正月十四日己丑五年四月二十日戊寅又射 建隆四年三月十二日辛未幸金鳳園召符彥卿等習射帝七發皆中的彥卿等進馬稱賀賜從臣名馬銀器四月二十四日丁亥幸玉津園閱諸軍騎射

紀云宴射

乾德四年三月十九日乙酉九月十四日乙巳又閱射 乾德二年正月十

六日乙巳幸玉津園命從臣習射帝中的者五三月
辛巳五月十九日癸未三年七月丁酉四年五月庚午
五年三月丙午開寶二年九月壬戌三年七月戊辰四
年三月乙巳又宴射 乾德四年二月七日癸卯幸北
園習射二十三日戊午召近臣習射苑中七月己巳幸
開封府尹北園宴射 開寶六年四月四日丁亥召皇
弟開封尹鄭度石守信等賞花習射於苑中甲午召
近臣宴射苑中五月庚午宴射苑中

開寶講武殿習射

八年三月二十九日辛丑召契丹使於講武殿觀武士

習射

戊寅召近臣
宴射苑中

太平興國玉津園習射

太平興國二年二月乙巳五月乙丑習射於玉津園九
月壬寅幸西御園習射上中的者八十一月庚寅幸內
園習射癸丑習射內園上中的者六三年八月癸丑朔
四年二月壬子十二月乙卯五年閏三月庚午七年五

月甲午九年五月辛亥端拱元年八月庚辰正月癸未
淳化二年三月五年二月丙午並幸玉津園習射

太平興國含芳園習射

太平興國六年十月丙寅幸含芳園習射八年七月癸未

幸含芳園習射九年

即雍熙元年

三月壬申幸含芳園習射

上中的者四宋琪曰陛下控弦發矢一如在晉邸時時

偽主劉繼元李煜等皆侍坐琪奏曰繼元等皆江南塞

北之人累世不賓非神功聖德豈致如此琪與李昉等

因賦詩進以形容至德上悅屬和賜之

一本云時劉繼元李

繼捧等皆侍坐宰相宋琪因贊頌神武與李昉等賦詩上和賜之

雍熙二年閏九月十

三日甲申幸含芳園張樂習射

太平興國習射水心殿

太平興國九年三月丁巳駕幸後園習射中的者五乙

丑又召近臣賞花後園上曰四方無事朕以天下之樂為樂宜令侍從詞臣各賦詩因習射水心殿宰相宋琪等各以應制詩上進上吟咏久之 雍熙三年二月乙

丑辛新騏驎院迴召近臣宴後苑上臨池釣魚令侍臣賦詩遂御水心殿習射飲從官酒四年三月己卯登水心殿張樂習射四月丁未幸金明池觀水戲因習射上中的五賜從官飲九月丙寅水心殿習射中的五十月壬辰召親王近臣射後園上中的五淳化四年三月甲寅宴後苑命羣臣賦詩因習射水心殿上五發中的閏十月辛卯後苑習射四中的五年三月戊午上同中的六張樂飲酒至道元年三月壬戌宴後苑登水心殿習射

太平興國迎春苑 宜春苑射

太平興國三年正月二十八日癸丑幸迎春苑習射帝
中的者九五年閏三月丙午幸北園習射上中的者五
九月丁未習射內園七年二月庚午幸宜春苑習射
淳化三年正月射迎春苑

太平興國瓊林苑習射 後苑習射

太平興國八年二月甲寅召近臣習射後苑上中的九
三月庚申幸御龍直班院閱武回幸後園習射是月癸

酉又幸瓊林苑習射上中的四 雍熙二年三月戊午
習射後苑上發皆中的四月丙子習射後苑召近臣賞
花釣魚上中的五丙申幸瓊林苑習射上為歌詩賜羣
臣 淳化二年三月乙卯射瓊林苑三年三月庚申宴
瓊林苑因習射中的五六年二月射瓊林苑

淳化後苑習射賦詩

淳化元年二月己未宴近臣於後苑習射張樂飲酒詔
羣臣賦詩上亦賦一章賜宰相呂蒙正等九月辛巳

日八

召近臣後苑習射因御崇政殿觀角抵之戲二年三月
庚子朔宴後苑上臨池釣魚詔羣臣賦詩因習射上中
的四三年三月丙午宴後苑因習射五發皆中的

淳化大射圖

五年九月壬子

二十三日

中書門下獻大射圖先是八月五

日甲申上有意於大射詔有司講求典故

實錄云講求大射儀注

自周官射禮及開元開寶禮斟酌損益草定其儀大約
如朝謁元會之禮酒三行有司奏賜王公下射侍中稱

制可皇帝改服武弁射於殿上布七埒於殿下自公卿大夫各有著位開樂虞於東廂中設熊虎等侯陳賞物於東階以賞能者設醴爵於西階以罰否者并畫其冠冕儀式表著埒音埒之位以進上覽嘉之謂宰相曰俟弭兵當與卿等行之

至道崇政殿射

元年三月己巳令衛士數百射於崇政殿庭召張浦觀之先是上賜李繼遷勁弓三皆力及一石六斗繼遷意

上欲威示戎虜非有人能挽也至是士皆引滿平射有餘力浦大駭上向戎人敢敵否曰蕃部弓弱矢短敢拒敵乎

咸平苑中宴射 玉津園射

咸平二年九月戊子

九日

召宗室宴射于苑中癸卯宴射

于後苑帝中的者十一四年閏十二月己巳宴射後苑五年三月戊戌射于水心殿六年三月丁未又射至祥符九年正月丙午朔宴射凡八 咸平三年五月丁丑

朔幸玉津園召從臣射于西園北亭帝中的者九九月

壬辰

日十八

帝中的十二祥符四年五月丁丑

日四

中的者

八五年五月癸未

日十七

六年四月丙戌

日二十

九年五月

乙巳天禧元年五月己亥

日二

三年四月庚戌

日七

並射玉

津園

咸平三年十二月丁巳

日十四

幸殿前班院閱馬

射遂宴射後苑上七中的

咸平瓊林苑射

咸平三年五月己丑

日十三

幸瓊林苑南亭命親王帥臣

射帝三中的四年四月丁巳

日十六

六年四月戊辰

日九

祥

符三年三月壬辰四月辛未又射

咸平含芳園習射

咸平四年八月壬子

日十一

幸含芳園習射景德元年正

月癸巳三年九月甲寅又射

咸平宜春苑宴射 潜龍園宴射

五年二月巳丑幸上清宮宴射宜春苑上中的者六

六年二月戊寅

日十八

幸潜龍園宴射上中的者七

祥

符元年九月乙亥二年九月乙丑又宴射于潛龍園四年十二月辛亥幸殿前班觀習射移幸潛龍園宴射

咸平後苑習射 射宮詩

咸平四年三月十八日己丑後苑賞花習射帝與近臣言及大射投壺鄉飲酒之禮因命直館各賦射宮五言六韻詩帝詔羣臣極歡八月壬子幸御龍營閱射勁弓賜緡錢有差遂幸含芳殿宴射

景德凱旋燕射

元年十二月戊子宴從臣于行宮後苑之西亭因習射
上連中的羣臣奉觴稱賀李繼隆等相繼而中上命矢
連發疊中之咸賜襲衣金帶鞍馬舉酒屬之戊戌北征
凱旋庚子賜近臣宴于寇準第諸帥宴射于本司賜上
尊珍膳

祥符太清樓宴射

元年三月庚午二年正月癸亥三月戊辰三年閏二月
辛未四年八月庚戌六年三月丙申七年三月癸巳十

月丙寅九年三月丁巳天禧三年三月十三日庚午皆
宴射于太清樓下又景德四年三月甲寅宴後苑射於
太清樓下

祥符水心殿宴射 射堂 宴射賜詩

元年五月庚申朔幸玉津園水心殿宴射帝中的者十
又觀衛士騎射於苑南門二年五月庚申幸玉津園宴
射水心亭三年閏二月十七日丁卯幸開封府射堂命
宗室牧伯射帝中的者七三月壬辰幸金明池瓊林苑

宴射上作七言詩賜近臣屬和八月十四日庚申幸舍
芳苑宴射帝中的者再四年十二月十二日辛亥幸殿
前班召從臣觀騎士習射移幸潛龍苑宴射五年四月
五日壬寅幸瓊林苑宴射帝作五言詩賜近臣和六年
四月甲戌幸瓊林苑宴射上作歌丙戌射于水心殿上
十中的七年八月八日辛酉幸瑞聖苑宴射於水心殿
帝作五言詩賜近臣八年三月十日丙申幸瓊林苑宴
射上中的者六帝作七言詩近臣和九年四月九日壬

午幸瓊林苑宴射帝作七言詩賜從臣五月二日乙巳
宴射玉津園帝作七言詩從臣和

祥符幸射堂宴射

三年閏二月丁卯幸開封府射堂宴射又至西堂閱太
宗御書圖畫上作詩從臣皆賦甲戌增葺射堂為繼照
堂設帝張樂許士民游觀三日 至道初上居府廡太
宗命府東建堂習射周起奏陛下嘗所聽事臣不敢居

天聖瓊林苑賜射 玉津園宴射 寶元瑞聖

苑射

天聖八年四月三日乙酉幸瓊林苑賜從臣射射于苑
亭遂燕從臣是日旁有五色雲九年四月己卯景祐三
年四月辛亥五年四月癸酉慶厯二年四月甲戌朔六
年四月辛亥朔八年四月甲戌皇祐二年四月丁巳朔
四年四月丙子朔嘉祐六年四月七年三月又射 至
和二年四月四日壬辰幸瓊林苑宴射上中的者十四
已而閱騎士射柳枝嘉祐七年三月丁丑燕瓊林苑觀

衛士射柳枝天聖八年五月十一日幸玉津園宴
射上中的者七從臣奉酒貢馬稱賀九年五月丁
巳射慶曆五年八月又射四年五月壬申幸玉津
觀稻遂燕從臣射于園中上中的十九 寶元二
年八月丁亥_{二十}幸瑞聖苑射上中的十一 慶
曆元年八月丁丑朔又射 五年八月丁巳幸瑞聖園
觀刈穀燕從臣射于苑中觀騎士射柳枝 皇祐元年
八月乙亥凡四幸

景祐太清樓宴射

景祐二年十月八日戊午宴射太清樓帝中的者四

慶曆五年九月九日辛卯六年九月九日乙未又射

四年九月

丁亥召宗室燕
太清射于苑中

熙寧瓊林苑宴射

熙寧三年四月三日幸瓊林苑宴射 元豐二年四月

辛丑三日再幸宴射上中的羣臣皆賀迺命羣臣射御苑

門觀軍士射柳枝

上再幸
池苑

熙寧八年五月臧景言馬

射六事一曰順踪直射二曰背射三曰盤馬射四曰射
親五曰野戰六曰輪弄各為說以曉習射者詔即武學
教習并下經畧將官

熙寧太學射圃

熙寧十年二月癸巳詔太學西門修築射圃聽諸生遇
假日習射從國子監請也

宋朝神射式

書目廣弓經一卷紀旦取韋蘊舊篇仲旣新訓李將軍

手訣王堅道歌詩削浮辭成此書神射式一卷王德用
分拽弓遣箭去病射親四類又劉懷德以所聞德用射
法之要分為十篇為射法一卷任權撰弓箭啟蒙一卷
謂學射之術有五張仲商射訓一卷馬思永射訣一卷
十篇論體法辨弓箭弦及射親之要王越石射議一卷
有選弓擇矢容體引挽斷發去病取親凡七篇

乾道玉津園射 燕射舊儀 淳熙燕射 賦

詩

乾道二年二月四日幸玉津園射次命皇太子慶王恭
王次管軍臣僚射如是者三每射者四發上前後四中
的先是閤門討論燕射舊儀輔臣奏曰此政和新儀所
載儀式煩苛費亦不少上曰祖宗朝想無樂今宜事事
節省別行議定七年二月十二日諭輔臣曰祖宗數召
近臣賞花釣魚朕暇日欲命卿等射飲君臣相親則情
通九年十二月二十二日庚辰臣僚請令太學生習射
上曰玉津燕射唯武臣射文臣亦當與可討論典故以

聞 淳熙元年三月十三日庚子禮官言按會要游幸

池苑賦宴詔宗室武臣射無文臣射典故於是詔從駕

文武臣射用唐貞觀中賜文武五品以上射於武德殿

故事九月壬寅

十八日

再幸玉津園燕射賜皇太子已下

宴酒三行樂作上臨軒有司進弓矢上中的皇太子進

酒率羣臣再拜稱賀宣皇太子射射中次宣與射臣僚

文臣葉衡等皆射

上再射復中的保信節度鄭藻起居舍人王

卿月環衛官蕭奪里懶射中賜襲衣金帶上賦七言詩

丞相曾懷已下屬和還宮都人聳觀騷動林野二十七
日詔臨安府擇寬閑地建射圃備百僚習射四年三月
十日又射九月二十二日選德殿觀擊毬 紹興十八年
五月丙子金使賀天申節始燕射于玉津園遂為故
事

淳熙後苑觀射

射鐵簾

又見講
武類

宴凌虛閣

上壽

二年二月庚辰宣引輔臣使相至後苑觀步軍司弓弩

手射上曰近來諸軍射藝頗精每射訖上親視所中箭
多寡并射入鐵簾淺深賚賜有差宴羣臣于凌虛閣下
丞相葉衡等席于左少保士暢等席于右酒三行衡率
羣臣以次上壽再拜退詔宣勸在列已而舞劍者進其
技精絕上曰此軍中之樂衡乞獨班再奉萬年之觴上
喜飲醕命以琉璃鍾酌丞相徧及羣臣仍各第其量以
賜上曰茲有典故衡奏是乃祖宗賞花釣魚故事越二
日選德殿奏謝上曰猶恨不得與卿款曲

淳熙試進士射

孝宗嘗諭輔臣欲令文士能射御武臣知詩書淳熙元
年三月庚子禮部胄監言知道州樓源請令太學生習
射州縣學置射圃今欲舉行舊法令太學生講習射禮
進士殿試上二甲人擇日試射庶合射宮試士之意從
之二年五月己丑御射殿引新進士按射元年七月二
十六日太學
置射圃 孝宗課儒生以金穀懼空言之無補角進士以弧矢慮戎備之或忘 元豐六年五
月癸未司業朱服請太學生暇日習射從之 宋祁上

皇帝後苑燕射賦睽取星弧之象樂著天駒之節披虎
落之囿會麟定之親始講射侯之容將明潔解之禮天
威粹健帝表胖正彤弓栗竒儼若有容栖鵠畫正若然
命中賦曰執徐統歲少皞司秋月著授衣之令日紀吹
花之游司射謹官梓人庀具飭虎進侯張狸設步扉崇
旌以虹拖畫廣堦而雲布并夾竝儲決拾相旅我物孔
陽我儀用光剡矢薦於夏箠彫弓出于扶桑采五施而
烈暈歌九節而升堂萬乘來御羣心樂康弦隨月上弓

與天張捨拔則供應弦而中主皮劃其已徹勁羽飲而
猶動駭跋烏於日域震封狼於星冢皇衿兌說協氣雲
蒸少府之賜錢流地庖人之割肉如陵軒霞藉后盤石
宗英美發的之希代咸奉觴而造庭射之為義是謂觀
禮外則審固而正躬內則雍容而繹志支左屈右之能
項發口縱之異或合宴序賓或美多與祭公用隼而射
墉觀如墻而揚解中則得為諸侯爭有似乎君子然特
人臣之善容未識我皇之射意若夫修五常為弓矯百

度為矢總黎獻以植的罄綿區而除位參天地之控引
順陰陽而張弛一發則英雄在弦虛撫則蠻夷斷臂豈
徒鵠取難中之名騶樂庶官之備 曹子建詩控弦破
左的右發摧月支注引邯鄲淳藝經曰馬射左邊為月
支三枚馬蹄二枚 曹毗馬射賦曰修埒坦其平舒
應瑒馳射賦曰旌動鼓震 李充良弓銘力稱顏高巧
發由基 射之制尚矣上火下澤象著義經弦弧剡矢
利初黃帝蒼姬定憲其禮益詳曲臺辟雍武德玄武間

舉漢唐制度卑陋 弧矢肇於黃帝射侯見於虞書

曲臺習肄辟雍舉行貞觀武德之儀開元安福之制

狸步是分虎侯是辨 禮正六耦詩歌九節 巾車三

乏司裘五正 雪鶴銜箭星麟集弦 附枝觀體定杯水

觀心平 左檻繁弱右接綦衛 六鈞七規 中有疊

雙控無虛發 始睽畫而取象終非儀以奠名 六鈞

用壯百中無疑和容就列省括于茲 蒙輪之俊超乘

如飛 聽采蘋之章逞穿楊之妙 工歌九夏庭列三

侯立豐置福具鹿中歌狸首唐弓九合夏箭三

成以祈爾爵反求諸身歌開采繁試可乃已簪

佩儼立冕旒高視前疊楊葉後貫戟支連袂逢蒙

比肩由基蹲甲壯基揚解觀孔引滿雷碎騰凌颯

疾揮弓電掣激矢風追臨廣望坐百層料武藝品

驍騰流藻周施和鈴重設睨影高鳴將超中折分馳迥

場角壯永埒捷趨夫之敏手促華鼓之繁節經玄蹄而

電散歷素支而冰裂射馬

乾
道
廣
濟
堂
印

玉海卷七十五